

近代中國史料叢刊續編第八十三輯  
沈雲龍主編

宋 臺 秋 唱  
蘇澤東編

文藻出版社  
有限公司  
印行

4.3.11

宋  
臺  
煉  
唱

閣  
公  
題

宋王臺秋唱圖

南海伍氏書畫



為園詩樓心樓

袁文詞盒顯

李研



序

九龍海汭巒嶂沓匝中有崔嵬峙列者三大書深刻曰宋王臺臺南平眺綠樹寒蕪風煙掩抑有村曰二王殿居民沿故稱莫詳所自久矣辛壬之交厲人卜居其地自號九龍真逸登覽之暇鈎攷史乘知其地爲宋季南遷之官富場村卽以宋故行宮遺趾得名陵遷谷變閱七百年今且淪爲異域而久湮之蹟顧發露於易代避地之遺民此非偶然也自是而後懷古之士俯仰憑弔稍稍見之吟咏丙辰秋真逸以祝宋遺民玉淵子生日大集同志於茲臺酒精旣設魂招若來有詩一章有詞一闕和者喁喁遂以盈帙蓋痛河山之厯劫懷斯人而與歸其歌有思焉其聲有

哀焉昌黎所謂曠百世而相感誠不知其何心者非耶其  
同邑蘇君選樓雅尚士也彙而集之名曰宋臺秋唱又爲  
圖弁首懷古憑弔山居唱酬諸作輯附卷後其視杜伯原  
之谷音謝晞髮之天地間集吳清翁之月泉吟社託旨略  
殊體亦差別然而性情所得未能忘言其所感一也雖然  
感生於心亦既不自知何心矣心之忘何所不忘哉而有  
不忘者存斯可以觀性情焉噫嘻其忘也茲其所以未能  
忘歟歲在丁巳端節前三日澹庵永晦

序

宋臺秋唱者東官蘇選樓先生所輯也嗟夫讀水雲之野  
史總是傷心聽清碧之谷音原難制淚青天何世滄海多  
風長歌皆變徵之聲遯迹亦思歸之操茲編之製曷容已  
歟宋臺僻在官富曩隸寶安遺臣之所曾躋少帝之所暫  
駐怒濤欲齧岬嶠千霜危石誰銘荒涼三字九龍真逸管  
甯辟地陳咸閉門纂述餘閒斯焉登眺當夫霜天素節海  
國蕭辰謝皋羽之西臺偶從學子王英孫之南墅時集遺  
民爰於丙辰季秋同祝玉淵子生日焉天潢苦節怨斜陽  
之易昏嶺海遺忠薦寒泉而共享黃龍痛飲匡復何年朱  
鳥招魂哀歌有客咸成騷些之作足譜神絃之章固已激

齊館之商飈奪梁臺之清吹他若鶴嶺踏月鯉門望潮捫  
亮節之廟碑重蒐史闕拾景炎之宮瓦彌珍研材白石續  
冬青之辭櫻甯贈離黍之什靡不哀散林木響淒烟霜期  
共溯夫流風屑徒描夫光景斯又言茂陵於霸上金狄如  
逢閱典午於雒中銅駝欲泣者矣嗚呼蘇劉義之不返翊  
戴無繇馬南寶之孤吟感傷奚補詩溫酒熟難覓可人水  
剩山殘矧非吾土覽斯集者其將如洪稚存所云讀臧洪  
之傳髮自衝冠登廣武之原皆先裂血乎抑第眎爲天地  
間集一流而祇與月泉吟社之列乎各存會心靡所逆睹  
已歲在疆圉大荒落立春日鐵城頑豔生黃慈博謹序



宋臺秋唱卷上

東官蘇澤東選樓甫編

丙辰九月十七祀趙秋曉先生生日次秋曉

客韻

真

翠旗虹旂海上槎白鵬刷羽鳴荒遐靈偃蹇兮帔  
以莞香建谿茶高臺嵯嶇屬宋家庚申帝亡勢莫  
電笑聲聳牙桑海變滅如空花桃實千年棗若瓜  
子迴雲車翩然而去隨翠華厓山風雨歸途賒

秋曉先生生日並祀偕隱諸公次前韻

南溟一葦回靈槎寶安隱君心不遐清沁冰雪醉  
浮春釀茶山茶逢厓塊肉沈趙家濮宗節苦世蔑

倡和鳴璜牙燦燦叢菊霜中花中田有廬場有瓜畦以留  
夷并揭車廢興莫問胡與華海濱避世風濤賒

賀新郎

秋曉先生生日前詩意有未盡再次秋曉生  
朝答陳新綠韻

一盞寒泉菊痛當年禾黍荒墟邱山華屋金甲神人雲際  
見厓海終沈璽玉空淚灑江流魚腹報國丹心長耿耿奈  
三閭未受王明福嗟宋鶴退飛六冬青樹老寒蕪綠緬  
清風晉室柴桑周家菰竹松雪齋中丹詔至未肯餐芝商  
谷賴君結遺民一局朱鳥悲呼江水黑試招魂爲奏歸來  
曲瀕海地稻梁足

又 再次前韻祀秋曉偕隱諸公

舊里荒松菊記詩人海邦偕隱菜羹茅屋畫像同瞻文信

國應泣卷卷帶玉更節義文章滿腹比似丹泉吟社合變  
姓名咸重羅公福天地閉筮坤六 富場水漲蒲萄綠歎  
故鄉無人爲作祠堂脩竹南野西臺哀慟處一例遷移陵  
谷况虎鬪龍爭幾局不有黃冠歸里客曠千年誰與論心  
曲巖穴士幾蛇足

丙辰秋余輯宋東莞遺民錄成萸節忽過桂輪漸缺同  
人乃於宋王臺下官富場邊燕棧香斟桂酒壕山馬柱  
肆昌黎之筵甘菊黃精擷東坡之圃相與拜秋曉先生  
生日并祀諸隱君之靈於時園花綻金山葉染赤龍湫  
曉澈鯉門不波因和秋曉詩詞四章按神絃肅靈鑒雖  
續貂可笑庶附驥益彰嗚呼鼎湖龍去旣棄羣黎華表

鶴飛又逾千歲問人間何世定知今我安歸望海上諸  
峯聊作高山仰止云爾九龍真逸記

奉和九龍真逸祀趙秋曉先生生日次原韻

永晦

天風吹水迴靈槎重雲黯黹厓門遐終古啼鵑怨落霞眉  
端苦上不甘茶龍湫千年亦帝家崇臺刻石森交加曠代  
生感誰期牙紅羊厯劫飛風花山中尙薦東陵瓜羣仙雜  
還來雲車白頭吟望傷髻華高原空悔前途賒

賀新郎

次原韻

永晦

無奈柴桑菊歎當年迴日雄心換來茅屋風雪厓門悽冷  
處無數沉珠碎玉悔不共龍髯魚腹把臂儻隨張陸去算

人生似此還天福五噫咏續應六 江山幾劫猶寒綠且  
漫說高節甘薇汗青留竹大地狂泉人飲遍何處逃虛有  
谷怪造化巧翻新局何似破黃收拾後暑詩豪高唱梅花  
曲能如是菜羹足

奉和真逸山人祀宋趙秋曉先生生日次原韻

閻公

海風吹斷雲中槎幽人來往空谷遐躡衣徑去餐流霞龍  
湫井水嘗新茶飄零難問帝子家陵谷遷移風雨加紛紛  
豺虎方磨牙世外尚有碧桃花再拜待獻安期瓜神旗透  
迤降寶車蕙肴椒糈揚芳華城郭千年歸路賒

賀新郎 次原韻

閻公

令節過黃菊湖當年厓山風雨海濤如屋芳草王孫哀怨  
苦自分甯爲碎玉瞻畫像十圍腰腹鞍馬平生無用處算  
歸來飽領湖山福殘夢醒聽更六 荒臺一片烟蕪綠是  
何人淒涼野哭長歌擊竹沙社風流遙倡和尙有跫音空  
谷千載後滄桑幾局風馬雲車翩欲下怕悲來莫奏冬青  
曲芳醴薦晚香足

九龍真逸以丙辰九月十七拜趙秋曉先生生日次

秋曉生朝觴客韻詩見示依韻寄和

清谿漁隱

狼烽海上驚浮槎忠憤鬱勃起負遐靈今歸來駕青霞荒  
臺冥冥酌瓊茶菜羹茅屋何爲家一成一旅 勿倍加厓門

風雨摧蠹牙遺址今作桃源花誰識故侯青門瓜飄忽桂  
旗辛夷車匪云廢苑懷昌華俛仰獨悲去國賒

丙辰九月十七日真逸招同拜趙秋曉先生生日恭

誦大作和秋曉生朝觴客詩謹步原韻

香山何鼎元 玉銘

星漢渺渺窮銀槎長離遁影潛幽遐滌濯皓雪餐纁霞負  
然清沁盧仝茶松雪學士亦趙家南枝北枝胡參加荒臺  
悲風摧蠹牙如瞻嶺上萬梅花祀之蕉荔薦以瓜碧天迢  
遙來雲車高山仰止尊太華

陸德明尚書釋文華讀如字

曠世相感情

不賒

又

海天萬里乘秋槎招邀猿鶴同心遐未餐宏景山中霞白  
飫樵青竹裏茶胡爲萋楚悲無家素心有人餐勸加絲桐  
清響期伯牙漁舟未許隨桃花平疇但種邵陵瓜暮日時  
乘阮籍車深山草木忘歲華藜牀脫粟風濤賒

次和九龍真逸丙辰九月十七祀趙秋曉先生生日

次秋曉生朝觴客韻

番禺凌鶴書 孟徵

月明滄海揚仙槎心清神人不我遐靈旗逶迤戴朱霞瑤  
席俶薦羅浮茶官富場今屬誰家蒼狼白鹿橫相加枉用  
爭據狃呶牙何妨于闐採名花供君雜以東陵瓜風爲馬  
兮雲爲車倏來忽逝留容華歲月未覺人閒賒

賀新郎

和祀趙秋曉先生生日用原韻



香山黃衍昌椒升

莫採南宮菊，莽乾坤風塵瀕洞。勢傾黃屋，惶恐灘前回首。  
望惆悵，匡門沈玉有塊壘，縱橫盈腹。一木斷難支，大廈便  
埋頭，暫受清閒福。韜素具，儘拋六。旃檀靜，燕烟浮綠樹。  
芳型菖蒲，恰似拜將霜竹。落落孤標，雲外鶴，淒絕長依寒  
谷。早淚洒河山，殘局天遣巫陽招已定。且羞觴低和迎神  
曲，鞭可執願猶足。

又和並祀偕隱諸公疊前韻

好種淵明菊，看杖扶提鷗。挈鷺並歸林，屋醉月迷花，尋舊  
事，匱裏原堪藏玉。况萬卷奇書，撐腹羞煞當途傭。僧伍祇  
癡頑，饜享庸庸福。塵滿眼，淨除六。門前柳，定垂垂綠傍。

柴桑風姿絕勝七賢幽竹虎豹蛟龍逃遁處宛爾徜徉盤  
谷已破盡金甌全局恥續蘭成哀怨賦返商山但作同心  
曲渾不顧爾生足

賀新郎

祝秋曉先生生日次和

香山

黃佛頤 慈博

秋淚滋叢菊歎臨安百年宗社一朝爲屋萬事成陳空俯

仰寄訊漫勞白玉

俯仰間萬事成陳秋曉和李自玉蒲節見寄句也

算祇合菜羹

果腹休取神仙相比况老吳門拌學逃梅福逢廣四聽更  
六 故園今見陳新綠祝生辰魂招海島宋臺擊竹啼鳥  
斜陽無限怨返日誰從嶠谷又一霎滄桑變局百世長餘  
相感意闡幽光詎爲私鄉曲遺逸傳一編足

敬和九龍真逸祀家族祖秋曉公生日並偕隱諸公

東莞  
趙祉皆  
吉菴

魂兮歸來駕靈槎海濱祀者不棄遐重公守節偕棲霞清  
供新詩白露茶緬維助餉曾毀家參謀草檄各分加枹鼓  
傳聲旗建牙義師共起莞榴花宋室難挽如罽瓜孤忠莫  
報歸懸車采薇長歌思翠華古今同調人非賒

敬和九龍真逸祀家族祖秋曉公生日並偕隱諸公

東莞  
趙九疇  
叔範

宋家天下沈枯槎宋皇臺蹟遺荒遐我來憑弔楓若霞拾  
將楓葉烹香茶感慨當年爲國家殫心竭力勢莫加厓門  
崩浪摧鯨牙秀夫一躍飛雪花歸去來今種邵瓜消愁聯  
詠高懸車諸公勁節凌霜華一祀顯微互古賒

敬和祀秋曉公生日並偕隱諸公 東莞 趙宗敏 勵吾

黃冠歸客乘仙槎早歲聲名達邇遐相慕隱君老烟霞薦  
以芳馨玉乳茶靈爽誠感山人家曠代知音無以加奚啻  
子期遇伯牙香留晚節羞黃花清高豈若繫匏瓜閉戶書  
著富五車許多泉石蘊清華聞風興起情更賒

丙辰秋旅港爲真逸校東官宋遺民錄旣里旋真逸  
以祀秋曉先生生日詩見示索和賦此却寄

潛客

海上辟兵闕斗室手校蟬編師古逸篁墩舊錄須補遺開  
卷玉淵呼卽出公詩多態態不羣公氣勇激榴花軍魯連  
蹈海恨不早靈旗長繞厓山雲把菊何人奠瓊華龍湫道

人好事者未覩祠堂傍宋臺先集衣冠迎汐社拜坡生日

陳坡詩西陂韻事當繼之

事見國朝宋牧仲西陂類稿

菜羹茹屋幸不

乏可似溫塘書壁時况公本是文山客柴市淋漓病薶碧  
百拜宜兼畫象懸孤貞還侑朱鳥食噫吁嘻禾油歌罷歌  
黍離前人儻識後人悲願將螳夢君臣意寫入神弦迎送

詞

南柯還是夢蝶螳自君臣秋曉句也

九龍真逸寄示所著宋東莞遺民錄勝朝粵東遺民

錄索序又寄丙辰九月十七日祀趙秋曉先生生

日並祀偕隱諸公詩詞四篇屬和因賦長歌奉寄

寓公

我曾作歌寄九龍九龍山人世外蹤山人寄我書一束兩

編新著遺民錄憑弔詩詞皆鳳毛吁嗟隱士幾蛇足

真逸和秋

曉生日詞未云巖穴土幾蛇足

廉頑自慕伯夷清卒讀欲效唐衢哭有宋

遺民謝唐數秋曉荒山與誰語菜羹茅屋有斯人玉潤冰

情念吾祖

余七世寶大祖妣三趙氏皆秋曉先生女

吾宗小山敲月手

族祖小山先生

有小山吟稿敲月集與秋曉常唱和雙烟一氣同覆瓿汝社名傳方幼學文

溪稿訂李春叟莞沙遺著已湮淪君生况在古人後叢殘

綴拾至寶現信是天工令鬼守有明遺佚嶺海多紛披薛

荔帶女蘿豈惟子升與獨漉蓬生麻中無欹斜吾家瓊子

亦傑出名山寒木同悲歌

名山集寒木居詩集

喜君刻苦爲搜羅維

持名教崇丘軻遂令嶺南三百八陵谷雖變名不磨杜陵

乾坤一俯仰昌黎涕淚雙滂沱九月涼風到林藪山人特

爲玉淵壽女兒香薦羅浮茶寒泉共奠坡仙酒匡門波浪  
深復深古人心印今人心滄桑華表鶴偶返風雨空山龍  
自吟盛會難逢嗟我失滬濱五度重陽日長吉奚囊屢嘔  
心余寓滬五度重九皆有詩幼安木榻將穿膝安得扁舟載我回與君  
重登宋王臺柯亭竹製李委笛菊花酒酌陶潛杯白衣蒼  
狗笑變幻富貴於我何有哉景公千駟輕塵埃君不見冬  
青樹下鵲啼哀滄江朱鳥魂歸來

選樓成自輓詩索和久未報命今又示九月十七日  
偕九龍山人拜趙秋曉先生生日詩作此卻寄

寓公

選樓寄眎自輓詩鼠肝蟲臂蒙莊詞二樵一世等一夢流

言似水吾安知

有傳黎二樵死者二樵作詩云已索我和拋一世等一夢那怪流言若流水

吟爲絕倒自夏徂冬未脫稿珠江花傍戰場開宋王臺畔

多秋草秋風秋雨迫人來九龍山人奠酒杯覆瓿一集壽

千古漫作異代遺民哀令人哀亦令人喜哀樂無端人老

矣何妨酒盡聽蒿里狂飲高歌有吾子君之吟館名祖坡

壽蘇遺集重摩挲百歲神遊亦來此早識東坡死非死秋

曉生日將毋同厓山漠漠來天風詩人茅屋化歸鶴真逸

瓜廬多酒龍

山人新構真逸瓜廬

君之祖是蘇閣部君臣碧血埋黃

土紅羊黑劫幾滄桑俯仰乾坤淚如雨吁嗟乎長樂老人

壽幾何人生七十容易過長樂恰齊仲尼壽縱齊彭祖亦

刹那愛君長歌聊當哭喬松之壽爲君祝好伴山人壽逸



民歲歲寒泉薦秋菊

九月十七宋皇臺祝趙秋曉先生生日和真逸

順德何藻翔 颯高

嶺南今士族半是宋遺民重話咸濟事都爲龍漢人雲車  
風馬想甲子大奚濱一盞薦寒菊秋風吹角巾

設位兼林謝招魂復趙方儘教亡國鬼全集化人場生死  
還今日興亡盡此觴茫茫十七史何必問滄桑

攬揆登高後江山秋氣多併爲三日哭辛亥廣東獨立且

續七哀歌天命已如此古人無奈何菜羹行處有初念肯

蹉跎辛亥十二月二十六日棄官

九龍成異域漫說宋王臺只合中原死盜徒易姓哀忠臣

出盜賊遺老空蒿萊淚盡厓門水花溪魂儻來

讀九龍真逸祝宋遺民趙秋曉生朝詩感而賦此

南海方菁莪默谷

今人愛古人曠世寄瞻矚仗義昔從戎遺民此著錄九龍  
訪故臺六合惜殘局嗟我生不辰仰天同慟哭

志謀亦殫竭無救宋室亡縱飲時大叫幽居自退藏聞風  
感婦孺掃石供酒漿大奚甲子間魂今其來嘗

讀真逸選樓諸君宋王臺拜趙秋曉生日各作感賦

番禺沈澤棠 芷鄰

一卷遺民錄千秋涕淚存河山悲故國風雨泣厓門世變  
詩魂在臺荒帝號尊鼎湖弓劍感往事忍重論

聞關復何恤海上遠浮槎薇蕨孤臣粟柴桑處士家勤王  
頻草檄避地厭吹笳今古銅駝恨雲山望眼賒

晞髮真吾友相依玉帶生襟懷茆屋貴風味菜羹清朱鳥  
應同痛黃冠早得名慈元留殿宇遙對夕陽明

豈祇論風雅今無汝社人誓師慚義旅奉召笑宗親世事  
嗟何補予生歎不辰未能趨盛會遲我薦溪蘋

九月十七日趙秋曉先生生日九龍真逸集同人敬

祝於宋王臺下有詩寄和漫賦

香山

黃映奎

日坡

古今數遺民寥落慨天壤茅屋茹菜羹貧賤多悒快名節  
一掃地厥行道胥枉邪有滄桑餘尚愜黍離想卓哉玉淵  
子大節起欽仰運邁天水窮國祚丁板蕩間關出勤王義

兵集閩廣戎幕屢贊襄慷慨竭忠讜遭迴勢不支退處甘  
草莽慟哭激海濤聲答厓山響高風七百載久未沫靈爽  
真逸逝九龍敬恭緬鄉黨天荒地老悲今情豈殊曩祝嘏  
萃同人遺忠追既往寒泉秋菊潔魂兮定來享嗟余隔千  
里盛事慳一廷會尋宋王臺景慕謁遺像雲垂海立中覽  
古溯蘭漿

祀秋曉先生生日諸公各有賡和寓公亦賦長歌寄  
真逸感而有作時真逸瓜廬初成

東莞  
黃潮華 菊池

乾坤頓洞莽風塵申浦香江兩逸民異代興懷鍼芥合一  
篇憑弔瓣香新關河迢遞增惆悵身世飄零幾苦辛除卻

桃花源裏住更無樂土可逃秦

丙辰九月十七趙秋曉先生生日九龍真逸  
人致祭於宋王臺畔時粵亂稍定予怱怱  
克與會爲之歉然屬天寒院靜風雨瀟瀟  
然素琴欲雪意有所觸神與之游中心傍

自闕援筆秉燭悠然賦之

東莞  
葉寶

閒居物外有圖有書天地焉閉哲人其徂我思遺  
闕如繫惟趙公形神遠遠龍德斯耀與爲璠璣白  
蕭然野廬張我綱維著書滿車浩氣耿光塊然太  
弗逮慨獨在予

宋室不競奸宄用猖義聲一呼旌旄載揚信國是

之陽手弄白日頂摩穹蒼雲雷初動宙合則皇天不佑德  
日月蔽光智哉玉淵是用韜藏雲鶴戢翼神鋒歛銑茅屋  
可居菜羹可嘗賦詩以娛蔚爲天章聖人之道與時偕臧  
屈伸異宜無有常方

維公有神厥光熒熒叱咤日月鞭驅雷霆軒乎大江此焉  
揚靈我吹參差天風清泠桂精椒漿含芬吐馨公其來思  
降于九冥洋洋鈞天冉冉雲輶華冠寶璐燦如列星宋臺  
之側其草則青

昔我避地涉春徂秋寂寞伊鬱渺然寡儔言陟九龍用懷  
百憂沈沈三季莽莽神州蘭艾雜揉鳳凰笄囚乾坤或息  
譬彼舟流不有達者將焉式浮歲序不居鳥鳴啾啾素琴

橫牀濁酒在甌遠瞻八表旁矚九幽我思古人中心以悠  
九龍山人以祀趙秋曉先生生日詩見寄敬賦長句

奉和

東莞 鍾卓林 秀南

九龍之山高籠從天荒地老留行宮官富場邊訪遺址宋  
王臺上多悲風山人入山愛披髮思古幽情俄勃發鯉門  
水落寒無波蟾魄光涵影初缺高風慨慕宋遺民欣逢濮  
宗覽揆辰海桑已歷七百載蟠桃正熟三千春曠代此心  
同耿耿萸節初過惜光景秋菊宜供鶴嶺花寒泉合薦龍  
湫井溫塘路隔山水遙臨風試把詩魂招生朝觴客做舊  
作往事尙可稽前朝憶當海濱沈玉璽至元授官卧不起  
匡門瞻望涕淚新西走大奚東甲子吁嗟乎白鵝哀鳴失

樓櫓回首中原無寸土  
臯羽慟哭真同儔  
松雪覲顏安足數  
君臣大義炳古今  
人間何世傷陸沈  
沈覆瓿遺編刺忠憤  
夕陽啼鳥空悲吟

真逸於丙辰九月十七在九龍祀三世祖秋曉公賦

此感謝

東莞趙允鏐紫良

隻手難鈎玉璽沈  
滄桑局換感懷深  
菜羹薦饌思初度  
綵筆成詩和舊吟  
老圃晚香韓相節  
毀家紓難楚臣心  
微公孰與論衷曲  
七百年來有賞音

九月十七宋趙秋曉先生生日九龍真逸集同人於

宋王臺下設像拜之賦此紀盛

選樓

佳節登高後宗臣覽揆辰花溪欽義士

公助熊飛起兵花溪茅屋祀



詩人公題隱居日詩人只合住茅屋心戀匡門闕身潛莞水濱宋亡公寒

泉秋菊薦清潔表遺民

誰訪冬青記勤王志可哀曾參文相幕同抱謝朝才劉鴻漸宋

遺民錄序言文丞相客謝朝與趙必豫本末相類翹首黃龍見傷心白雁來流芬

七百載祝向宋王臺

不盡滄桑感臨風醉一觴山河牛角隘霄漢鶴齡長朱味

招魂些黃花挺節香朝周陞畫馬松雪亦天潢

眞逸黃冠客著書消古愁殘山賸水地詩虎酒龍儔桑海

高風挹吳萊桑海道錄言文陸二公事篁墩佚史搜壽蘇侔雅會懷抱並

千秋南海李長榮撰有壽蘇編

重賦二首

選樓

異代稱觴集鯉門菜羹只合薦王孫

天下未嘗無菜羹公題隱居句

最難

風雨常相會大好河山不復存白馬銀濤據義憤蠻花狔

鳥伴忠魂海天憑弔空文藻覆瓿千秋有定論

龍湫落照故宮移

臺下舊有行宮故址

天水孤臣助義師鬪穀毀家

紆難日靈均憂國遯荒時鵲啼尙怨庚申帝

公有數聲啼鳥怨斜陽句

鴻印惟編甲子詩酒酌黃花祝公壽幾多靖節醉東籬

與會

者均屬遺臣者舊輩

宋臺秋唱卷中

東莞蘇澤東選樓甫編

宋皇臺懷古 并序

真逸

九龍古官富場地明初置巡司嘉慶間總督百齡  
築砦改名九龍道光間復改官富巡司爲九龍巡  
司而官富場之名遂隱其地東南有小山瀕海上  
有巨石刻曰宋王臺新安縣志以爲帝昷駐蹕於  
此考明錢士升南宋書稱端宗景炎二年二月帝  
舟次梅蔚四月次官富場九月次淺灣三地俱新  
安縣界相去不遠宋史二王紀祇云至元十三年  
十一月是次甲子門在惠州十四年十月劉深攻淺

灣是走秀山今虎門無次官富場之文然宋史杜澣

傳云文天祥移屯潮州使澣護海舟至官富場元

史峻都傳云至元十四年塔出令峻都取道泉州

泛海會於廣之富場卽官富場又云峻都進攻潮

州知府馬發不降恐失富場之期乃舍去皆景炎

二年事當時遺臣奔赴敵人會攻並指茲地南宋

書所云當得其實二王紀偶失載耳逮至元十五

年四月端宗崩於礪州卽今大嶼山帝昺立六月遷厓

山不再至茲地然則臺乃端宗駐蹕之所非帝昺

也一統志稱宋行宮三十餘所可考者四其一爲

官富場廣州府志則云殿址猶存今惟厓山最著

茲地改稱九龍世罕有知之者矣余登眺之暇因  
爲考證諸書以著其實石刻舊稱宋王以史稱二  
王而然茲正之曰宋皇蓋使後之人無惑焉

朔方白雁翔杭湖五更頭叫頭白烏龍爪合尊朝上都遺  
二龍子南溟漚金甲神人斗膽麤戈船閩廣相提扶行宮  
草創三十所富場桎梏閔規模零丁惶恐節義徒麻衣草  
屨來于于鐵石忠肝一團血誓徇塊肉捐微軀秀山癘疫  
井澳颶當年弓劍號龍胡不知天祐趙氏無黃龍復隱礪  
州郭浮沈袍服魚腹見慈元殿下生青蕪茲臺兀立海裔  
孤西望厓山血模糊化爲朱鳥張其味海潮不起羣噍呼  
臯羽所南足跡絕遺黎老死云誰吁君不見臨安宮禁啼

鷓鴣蘭亭坏土冬青枯建炎陵闕一朝盡何況航海行崎  
嶇噫庚申帝亡亦如此和林草荒雪塞塗彼送子英胡爲  
乎元蔡子英爲明太祖所得不肯屈大  
祖命有司送出塞令從故主於和林

宋行宮遺瓦歌 并序

真逸

官富場宋皇臺之東有村名二王殿景炎行宮舊  
基也新安縣志稱土人因其址建北帝廟卽此今  
廟後石礎猶存其地耕人往往得古瓦色赭黝堅  
如石雖稍麤朴然頗經久考景炎自福州航海後  
由泉而潮而惠顛沛至極至二年二月次廣之藍  
蔚山四月進次官富場其時張鎮孫復廣州文天  
祥趙時賞等由梅州分復吉贛諸縣進圍贛州張

世傑討蒲壽庚陳瓚應之復邵武軍淮兵在福州者亦謀殺王積翁以應世傑兵勢頗振故景炎得於其間繕治宮室爲久駐計其後諸路皆潰敵氛漸逼遂敗走秀山并澳間至祥興之世厓山不守而宋亡矣余獲其一瓦因作歌以紀之

官富場前宋行殿荒村廢址青蕪徧野人耕地得遺瓦赭黝相兼餘碎片赭如烈士歎赤血黝似侍臣森鐵面當時燔埴善陶甄卻比范銅經冶鍊憶昔南遷景炎帝御舟次此誇形便紹興家法遵簡約崇政殿基亟營繕槐樹陰成鴟尾出茅茨易盡魚鱗見但令風雨免漂搖詎與雲霞爭藻絢丞相忠肝泣上表將軍鐵膽怒張卷詔稱南海馬牛

風誓入中原龍虎戰建炎中興運豈再景德孤注事俄變  
渡江泥馬不復神赴海白鷗誰更唁可憐宮瓦碎慈元遑  
問故都杭與汴君不見漢代鴛鴦裁作枕魏家銅雀鑄爲  
硯延年益壽辨當文萬歲千秋感奔電淒涼故國哭杜鵑  
零落舊巢悲海燕手揩此瓦重摩挲惆悵遺基淚如霰

宋皇臺之北有楊太妃女晉國公主墓新安縣志稱  
公主溺死鑄金身以葬故俗呼金夫人墓十年前  
碑址尙存近因牧師築教堂於上遺蹟堙滅矣詩  
以弔之

真逸

秀發金枝桃李妍鎮星降誕憶當年趙家塊肉真同體蹈  
海先行作水仙



三宮北去獨南奔回首端門有淚痕柔福帝姬同不反靖康

之亂柔福帝姬相隨北狩死於沙漠祇應精衛更銜冤

宮禁援琴汪水雲莫言活國在和親汪水雲以善琴出入宮禁元兵入臨安賦

詩有若說和親能活國句天家一任金甌缺尙得完貞鑄此身文丞相讀王婉

儀赴北題壁詞續篇有算妾身不願似天家金甌缺句

海闊三山定不歸挽詞依舊出龍闈會稽市上珠誰獻悽

絕鮫宮泣太妃宋神宗挽公主詞海闊三山路香輪定不歸又區區會稽市無復獻珠人

景炎而後又祥興浪打厓山霧氣蒸惆悵白鷗齊赴水更

無麥飯上疑陵

楊侯王廟迎神送神曲

真逸

九龍砦西北有侯王廟甚靈異舊碑稱神楊姓佚

其名南宋末忠臣始封侯繼封王故稱曰侯王余  
曰此殆楊亮節也史稱楊淑妃生益王昀脩容  
生衛王昺德祐二年以淑妃弟亮節脩容弟如珪  
提舉二王府事元兵入臨安奉二王走婺州范文  
虎趙葵亮節等負二王徒步匿山中七日張全追  
及遂走温州至元十二年五月昀卽帝位福州冊  
楊淑妃爲太妃亮節居中乘權秀王與擇自以國  
家親賢多所諫正遂犯忌嫉諸將俱憚之當時勞  
苦功高爲朝廷具瞻如是自是以後亮節遂不見  
於史考是年十一月元兵破建寧宋主遁入海十  
二月次惠州甲子門十三年二月次廣之藍蔚山

四月次官富場九龍古官富場地疑亮節道病卒  
葬於斯土土人哀之立廟以祀史蓋矢載也宋世  
外戚多封王亮節脫二王於險又輔政則生封侯  
死封王亦恩禮所必至海濱朴魯故不能舉其名  
及封郡耳不然如珪與亮節俱提舉亮節尤用事  
十四年十一月劉深追宋主至七州洋執如珪史  
有其文如亮節不死後必爲元俘史當特紀之矣  
况從二王海上史別無楊姓者寧有進侯而王烜  
赫如是而史闕文者乎余故曰此殆亮節也嗚呼  
南宋之亡諸臣崎嶇海上有死無貳皆知不可爲  
而爲之者也史稱朝臣言秀王有劉更生之忠曹

王臯之孝宜留輔以隆國本乃遣之出兵浙東被  
敗而死因加亮節以忌嫉之名然福州一隅不圖  
進取何以立國景炎冲幼不克親征非秀王親賢  
孰總師干以係人望奈何以此爲亮節罪乎余謂  
亮節之忠爲宋外戚所罕有雖走死而其英魂毅  
魄血食茲土到今不衰有以也因詳考之以告土  
人且復爲迎神送神之曲以侑之亦婆婆樂神之  
意云爾

朝潮兮富場神之來兮被冕裳前朱鳥兮後白鷗背負黃  
龍兮相戲而蜿蜒鳴金饒兮伐銅鼓小海唱兮公莫舞蕉  
荔兮堆盤神飲食兮酣懽驅颶母兮搏癘鬼福我民兮壽

無有害 右迎神

夕沙兮淺灣神之去兮朱旗殷日煌煌兮氣英英火輪小  
兒兮御風以俱行沈香炷兮煙縷黑巨礮喧兮浪花白海  
鱸兮峩峩神具醉兮委佗射旄頭兮乘箕尾食茲土兮享  
于世世 右送神

癸丑秋日偕九龍真逸張闇公伍楚公賴智公遊龍  
山訪宋季遺蹟感賦 永晦

中興成旅苦經營憑弔荒臺淚漫傾百萬義師齊捲甲傷  
心尙有庾蘭成 宋王臺

寒林擁日到虞淵戎馬艱難瘴海邊七百年來陵谷變二  
王村尙鳥啼煙 二王村

敷天左袒語非虛直到窮邊有帝居  
破碎河山瓦全少千秋一片重璠璣  
宋行宮瓦

鑄金往事劇堪哀半畝荒墳亦草萊  
猶勝北轅行萬里翠翹風雪走龍堆  
金夫人墓

宋皇臺

黃佛頤 慈博

梅蔚移蹕來海角此臺古岬嶼荒煙中  
御榻迷處所欲乞思肖蘭徧蒔數尺土  
日暮多悲風蠻邨號杜宇

景炎行宮

寥落古神叢人傳二王殿半載駐六飛  
潮郡猶血戰龍舟入淺灣故躅桑海變  
竭來拾遺甕碧繡土花片

晉國公主墓

鑄金夫何爲身已葬魚腹南來天女孫惜此一塊肉鳳簫  
聲沈沈海風動墳竹斜照黯荒山斷碣無處讀

楊亮節廟

間關負龍種中道悲身熾紅日墮碣洲毅魄應攀髯海濱  
轟遺廟故封忘景炎不遘陳仲微誰發千秋潛

登宋王臺作

荔垞

九州何更有埏垓小絕朝廷此地開六壘螭龍潛海曲百  
官牆壁倚山隈難憑天塹限胡越爲訪遺碑剔草萊宋道  
景炎明紹武皇輿先後總南來

登臨遠在水之湄豈獨興亡異代悲大地已隨滄海盡怒  
濤猶挾故宮移殘山今屬周原外塊肉曾無趙氏遺我亦

當年謝臯羽西臺慟哭只編詩

奉陪荔垞師遊九龍宋王臺兼訪厲人山居

南海

李景康 鳳坡

片雲亂石出孤鳥寒林還野草入天末清江明遠山古人  
獨不見巖壑空躋攀闐巷郊原外荆扉鷄犬間先生有道  
者白髮猶朱顏讀易來玄鶴添香勞綠髮追陪歸舊徑回  
望掩重關

宋王臺懷古

番禺

張德炳 輝庭

萬壑千山控海門孤臺無復賸頽垣洪濤咽盡三忠恨夜  
月招殘二帝魂王氣銷沈餘片石故宮寥落有荒村離離  
禾黍秋將晚題壁何人爲紀元



慈元遺跡鎖煙蘿  
潮落西風白雁過  
玉璽縱教歸朔漠  
金環終欲復山河  
空憐塊肉君臣盡  
回溯香孩涕淚多  
我亦零丁正飄泊  
憑欄看劍話銅駝

宋王臺懷古

番禺姚筠後卿

破碎山河塊肉存  
播遷曾此駐雲根  
運窮猶作浮家計  
地僻難招杜宇魂  
樓閣迷離疑海市  
風濤瀕洞接匡門  
君臣殉國堪千古  
莫共微欽一例論

牢落天涯兩鬢霜  
煙筇雨屐對蒼茫  
少游空道愁如海  
坡老難歌醉有鄉  
一代興亡餘片石  
幾人憑弔至窮荒  
荆榛滿目歸何日  
不爲登臨亦斷腸

丙辰秋日步張君輝庭宋王臺懷古韻

倉皇龍馭走匡門荒島遺蹤有斷垣一片竟難存淨土六  
師同盡愴忠魂人穿犖确雲間路日落淒迷海上村極目  
依然天水碧故宮何處謁慈元

姚筠俊卿

西風瑟瑟動青蘿令節無端客裏過只覺窮愁銷歲月可  
能大好惜山河萬家燈火攢星出十里帆檣繞岸多話到  
興亡同有恨何人逸史續荆駝

偕叔葆拱垣二先生登宋王臺

凌鶴書孟徵

白鹿蒼狼獷氣多登臨遙望奈皇何播遷到海波猶沸駐  
蹕留臺石不磨塊肉忍拋天水裔尾閭終匪鳳凰窠興衰  
萬古烏能定玉斧吾思再畫河

宋王臺

黃映奎 日坡

荒臺仍宋土 岬嶼垂千秋  
駐蹕御舟泊 擘窠崖石留淪亡  
倦今昔天地悲 沈浮望古九龍去  
登臨涕泗流

次韻日坡宋王臺之作

寓公

官富場邊道 荒臺閱幾秋  
登臨吾輩感 名字宋王留塵劫  
千年遠人來 一葉浮記同  
真逸子憑弔 瞰江流

登宋王臺有感

黃瀚華 蕪池

七百年來幾劫灰 蒼茫時局劇堪哀  
只今尺地非王有 羸得行人說宋臺

丙辰春避地九龍遊宋王臺有感

東莞

陳景梁

芝岡

景炎龍馭杳難攀 海闊天空悵淺灣  
不盡蠻雲屯故壘 何

堪殘日落荒山遺民淚灑冬青上望帝魂歸杜宇間今古  
興亡增感慨富場憑弔踏歌還

宋王臺懷古

東莞  
初正  
武垣

播越炎荒帝子哀只今猶有宋王臺厓山風雨若離合溟  
海波濤空去來誰戀趙家一塊肉不堪胡禍百年胎楊侯  
祠屋還鄰近莫歎君臣沒草萊

冬暮訪蘇選樓君於九龍寄廬因遊宋皇臺遺址

東莞  
梁  
洵  
又農

趁舟曉入九龍港霜風獵獵寒濤盪雲氣蒼茫冷不飛日  
光晃漾晴初上須臾傍岸隨山行山深道遠怡物情荒村  
老屋祖坡子拈髭一笑來相迎我昔聞君說遺跡宋季行

宮此堪憶觚稜何處問慈元沈鬱山川空岸幘祖坡爲我  
前致詞舊宮蕪沒埋蛟螭衰草無邊卧古道宋王已逝臺  
有基登臺攬勝且盤礴有石隆然隱斑駁翔空龍去奈何  
天似此乾坤已非昨大江滾滾日西流兵革當年碧血流  
興亡不盡感今昔華屋山邱生遠愁運移宋祚知難復厓  
海可憐沈塊肉賸水殘山祇斷魂斯臺未沒誰興築竭來  
訪古相徘徊安得有酒傾百杯與君澆盡幾塊壘莫管滄  
桑餘劫灰

丁巳春偕選樓重登宋王臺感賦并呈眞逸先生

梁 涓 又農

七百年來氣鬱蟠尙留臺址壯遊觀遺民有恨海天老帝

子不歸山石寒官富場空莽何處景炎事往感無端憑君  
莫話滄桑局數盡興亡心已酸

皇圖泡影久成空百感新吟此寓公

真逸先生僑寓此間  
徧搜景炎事著爲詩

足資考證落落乾坤餘片石荒荒禾黍掩遺宮鯉門水遠連天

碧鶴嶺花深特地紅風景不殊時事異可堪多難萬方同

丙辰登宋王臺歸謁楊侯廟次蘇君選樓原韻

東莞方啟華拱垣

煙消日出海門開天水蒼茫尙有臺巨石不隨炎宋去孤  
城竟任島夷來崎嶇戎馬悲孱主跋涉江關失將才末造  
君臣同殉國魂招江上幾沿洄

敬步蘇君選樓游宋王臺詩原韻

東莞

蔣

航心禪

島外風雲生面開  
宋家遺跡有荒臺  
孤舟塊肉今何在  
半角殘山事可哀  
畫界誰貽終古恨  
中原須待不凡才  
一般亡國堪腸斷  
海畔飄零幾溯洄

丙辰春偕葉君楚白方君拱垣黃君君式游宋王臺  
作  
選樓

天水蒼茫霽色開  
春游訪古共登臺  
白鵝殉主空遺恨  
朱鳥招魂劇可哀  
風景不殊思故國  
河山再造仗奇才  
頽暉莫挽飛濤險  
擊楫江頭幾溯洄

丁巳孟春偕梁君又農重游宋王臺賦此索和

選樓

塊肉今何在  
千秋尙有臺  
帆檣環島嶼  
宮闕訪蒿萊  
慟哭

遺民恨留題學士才

真逸首詠宋臺詩序尤爲考據精博

鯉門同望古搔首

問天來

片壤鎮南溟諸夷此地經依然天水碧終古暮山青桑海

憂時錄華陽旌事銘

李君瑞琴於宋王臺麓環築石垣真逸爲作記近擬建亭山坡刻記於上

華陽真逸瘞鶴銘有立石旌事篆銘不朽語

逢厓感殘局一曲弔英靈

過九龍山弔宋行宮遺址書感

選樓

山圍潮打海天空零落宮花染淚紅丁鶴歸來感今昔傷心故國有無中

弓劍沈埋官富場滄桑幾度換紅羊倩誰更種冬青樹望帝悲啼咽夕陽

宋行宮古木

選樓



驅車富場路二王蹕曾駐行宮禾黍墟

行宮右尚祇餘煙有二王村

中樹喬木參天高杈枒飽霜露棠留召伯祠柏植武侯墓

年老心已空虬枝半生蠹去歲遭颶風殘柯隨地仆砰然

天日崩根幹盤石固獨立有生機皇靈實呵護撫樹思前

朝君臣痛南渡遺宮卅餘所榛蕪委煙霧斯地石礎存廣

志載官富場有宋景槐街蔭如故榮枯悟物理興亡亦天

數我游宋臺下蒼茫悲日暮鴉歸噪其顛幽怨尙如訴大

樹憶馮坐焦桐邀蔡顧悠悠百感生懷才胡不遇飄零庾

子山爲作枯樹賦縱受冰雪侵尙望萌芽吐鱗皴儼蒼龍

滄桑經幾度遺民哭冬青今古忠憤寓

### 游宋王臺訪晉國公主墓

選樓

四二  
三  
投生曾向帝王家  
龍種流離逐浪花  
精衛不無填海恨  
尙留疑塚寄天涯

鑄金爲像瘞高原  
宋代松楸不復存  
料有芳魂臺上望  
白雲飛處認慈元

題鶴嶺宋楊亮節廟壁

選樓

謠傳白雁渡江哀  
負帝間關避劫灰  
舊燕依人多北去

謂舊

臣留夢炎等多降元北去

簷鳥戀主竟南來  
殘山賸水埋忠骨  
越舞蠻

歌薦酒杯華表鶴  
歸誰弔古

廟後石刻鶴字高六七尺

千秋悵望宋王

臺

宋臺秋唱卷下

東莞蘇澤東選樓甫編

九龍山居作

真逸

蓬蒿三徑少人行擬託幽居老此生迷路東西逢子慶在  
山南北法高卿井華近汲龍湫曉雲絮遙披鶴嶺晴傍晚  
鯉魚門外望滄浪還喜濯塵纓

布衣阜帽自徘徊地比遼東亦痛哉異物偶通柔佛國新架

坡古柔佛國土人多航海往該埠遺民猶哭宋皇臺驚風蓬老根常轉浮

海桑枯葉已摧欲學忘機狎鷗鳥野童溪叟莫相猜

登公戲呼余爲九龍山人蓋以王孟端見比也詩以

解嘲

真逸

自笑前身老畫師九龍深處偶棲遲泛舟卯曲希元朗

倪瓚

晚易姓名吹笛車箱學大癡謝疊山應來戲謔明謝晉工

戲稱謝疊山吳原博詩嘲陳驚座合別嫌疑生平不作爭

墩事真逸相呼副夙期

登九龍城放歌 九龍砦土人呼之曰城

真逸

鯉魚風緊鮫人泣鯉魚門開巨鯨入飛雲蓋海駕轟濤直

拍九龍城下濕九龍之山高插天九龍城與山鈎連龍頭

龍從列戰格下瞰澂碧環深淵清時置戍防海賊海賊未

平夷患亟已悲埃卒化蟲沙復見疆臣棄雞肋石城何盤

盤憑眺慘我魂千山鱗甲忽破碎玄黃血濺羣龍奔迢迢

南望銜艦舳左走東瀛右西竺回看直北是神州墮地弓

髯萬人哭城邊野老長苦飢我亦寓公歌式微內蛇外蛇  
關未已橫流滄海吾安歸吁嗟乎橫流滄海吾安歸

闇公是公同澹菴潛客二老過九龍山居

真逸

空石中有觥不聞蟲蠹聲足然足音至頓使耳目驚我本  
麋鹿性山居遺世情卅年墮塵網枯拳被裾纓寒花抱晚  
節况此時運傾淖約姑射山縹渺化人城分非希有鳥未  
許翔太清控搶枋榆間庶以得此生茲山似仇池福地世  
莫爭隱居復談道且與諸公盟

李聃隱柱下蒙叟游漆園學禮有答問衛道多寓言德義  
世通家隸也出聖門苟非十二子老莊不批根奈何溝督

儒直並釋氏論豈惟寡通識亦昧河海源閻楚兩道人近  
頗涉其藩俱暎日月輝遠窮天地根黃冠與草服古處誓  
與敦玄談得至契足示迷者捫

昔聞王彥方避地渡遼水桓桓曹征西纒帛徵不起東夷  
感德化相與撰杖履管邴神龍姿亦從卜鄰比我慙蹈海  
節穴室此棲止澹潛二大老乃樂風土美介山負慈母鹿  
門攜妻子云將賃新居過我同栗里世無桃花源九夷幸  
勿鄙他時雞黍局素心至可喜

蒲澗安期境羅浮稚川界昔誦髯蘇詩笠屐欲從邁風塵  
何須洞名勝遭破壞大澤蟠龍蛇深叢聚蠹蠹杞狗茯苓  
龜一一成餒敗茲來海濱地造物闢靈怪夕波浴濛汜朝

露飲沆瀣雖匪方壺居胸次不芥蒂乃知避秦者徐市獨  
愉快願言招四皓搔首發深喟

潛客過山居後詩來索和次韻奉答

真逸

窮海悲秋屢送歸問君何事訪柴扉宅殊魯望饒甘菊人  
似冬郎見紫薇對酒偶撩心緒惡脫冠誰笑鬢毛稀買山  
招隱吾何敢且學頤神臺孝威

停雲八表已同昏肆志相從綺與園澗底菖蒲方士宅溪  
邊枸杞老人村沈冥世豈知梅尉憔悴君休歎屈原但使  
攜家浮海至此間猶可避塵喧

得寓公九月五日滬上漫成用和潛客韻二律次原

韻奉寄

真逸

四三  
三  
一函今寄蜀當歸計日應投海上扉知爾未能忘漢臘此  
間原不食周薇草堂逋客移長勒蓮社高賢見莫稀更欲  
勸君除綺語山居素笈問龍威

由來至道貴昏昏銷盡機心且灌園願我結廬居北渚有  
人卜宅向南村澹菴楚公先後居此飾巾待老思陳寶鑿室相從愧  
邠原他日君來同沙社詩成應答海潮喧

鶴嶺散步

真逸

城郭人民倏已非令威去後暮雲飛蒼苔白石青松路惆  
悵山頭待鶴歸

齋廚煮石道人居絳帕蒙頭髮未梳一卷黃庭隨意寫更

無鵝換右軍書

嶺上有石刻  
鵞鶴兩大字



題楚公小園

真逸

荒園半畝隔塵闈中有幽人自閉關  
簾映花叢斜障日磴移竹缺飽看山  
瓶笙響處聞根淨棋劫爭時袖手閒  
莫說暮年蕭瑟甚壺公巢父尙人間

龍湫井

井在九龍砦西陂田中土人相傳昔有佳井九今  
堙其人惟此獨存云

真逸

九龍有九井八井迹已遷遺井曰龍湫陂田出涓涓頗疑  
千載上地有龍蟠淵杞菊緣四厓根老落英鮮滄澗復甘  
冽嘉名故流傳中泠大江底脩綆銅餅懸江流近北改沼  
泚涵洳漣何況滄海涯揚塵變桑田我來挈甕汲小試龍

團煎蟹眼沸已過滑美流香涎茗溪桑苧翁不到粵海壘  
未知第一品比此誰後先側聞仇池穴九十有九泉其間  
避世者飲之壽登仙茲山右脈潤乳水腹內便家家壘井  
發臭味如一川雖微酈縣潭自得龜鶴年神龍貴不見此  
語欽前賢

過逢春園

真逸

路轉荒城曲幽棲別有天牆東王避世窗北宋談玄井溢

騰秋雨亭虛納野煙垂垂嘉果熟海上喜流連

園內植有南洋果名

流連

主人何所似蕭散紫谿翁雞豨齊民術鹽齋處士風新疇  
瓜異色小徑桂成叢莫話人間世鄉關劫火紅

大風雨欲渡海訪智公不果

真逸

智公有道者溷跡塵囂中誰闢招隱館授此雷次宗我志  
慕元晏摯虞今不逢爲借一瓿書渡海聊相從侵晨出門  
去雨氣來濛濛海鳥各奔避江豚復吹風歸來抱膝坐停  
雲諷陶公八表旣同昏平陸真成江遙知茅屋下今雨慨  
亦同晦鳴不改度相見期從容

謝閣公餉茶笋

真逸

一笑開緘不自持谿茶山笋遠相貽搜腸愧對清風使合  
掌真參玉版師臘酒三杯微醉後春蔬半把軟炊時廿年  
飽飫官家饌至味于今始略知

謝澹菴餉笋并簡登公

真逸

苦筭休官誰硬派魯直調言子瞻怪我今蔬食已無官玉  
版真禪須受戒筠籃兩束土膏足故人餉我深下拜大如  
犢角養初成小者兔毫鋒未敗一束名筭清班聯玉縱無分  
重價論金應不賣菘羔楮雞那足道取助盤殮當鸞嘖忽  
憶昌黎和侯作前軒筭茁穿壁壞蛇虺掀掀露頭角戈矛  
戢戢森器械書生腹儉何所有千畝渭川曾學畫若令得  
酒出槎枒拄肚撐腸詫雄邁腹上生松謝春夢胸中成竹  
發秋噫他時饒守見此詩笑噴飯囊知一快

送寓公之滬上

真逸

申浦歸颿閱幾時香江判袂復何之

寓公回粵至山居再宿閱月赴滬邀餞不

至走送

三秋鱸膾懷張翰一舸鴟夷逐范蠡  
拔卷菘原之香江

不死花殘勺藥又將離嶺南著籍真無分愁絕筵前啖荔  
支

知君混俗比龍蛇此去迢迢足歎嗟天地長留巢父卷煙  
波還泛釣徒家空勞望眼人千里願保吟身海一涯到日  
名花流淚看莫教重抱怨琵琶

黎鸞公梁根公同過山居話舊兩公俱僑寓天津去  
歲同至梁格莊奉安者也

真逸

官富場邊落日黃南冠相對感滄桑寓公久處托中露

詩毛

傳中露高士長噫發北芒共聽鶡聲橋上雨竝攀

龍

馭關前霜素衣我亦蓬山侶惆悵觚棱淚數行

次韻闇公丙辰元旦

真逸

春光撩我拂瓜廬歎息龔生調太孤新室元年驚瞥過新  
始建國元年以十去歲漢家臘日敢含糊歷書或以爲  
二月朔日爲元旦臘月有三十日傳  
聞角上爭蠻觸悶煞盤中轉雉盧獨坐無聊須一醉屠蘇  
酒盡且重沽

再疊前韻

真逸

曾記承明入直廬觚棱回首夢魂孤文成賀歲階前進帖  
賜宜春座上糊一自落花飄糞溷那堪啼鳥勸壺盧  
歸休苦憶斜川老深谷逃名未許沽

春雨再疊前韻懷閻公

真逸

雨氣濛濛黯做廬清吟難遣客懷孤雲橫遠浦燈猶出風  
龔幽窗紙半糊並世喜隨東野孟閉門聊效玉川盧遙知

仲蔚蓬蒿宅滑踏春泥酒更沽

丙辰正月六日與李君瑞琴張君魯齋暨闇公智公  
同遊沙田李君爲言黎悅真居士擬築靜室山中  
悼古傷今慨然有作

真逸

昔聞陶靖節歸休樂斜川發春朋簪集邀我遊沙田沙田  
在何許涉行窮海邊翠巘互西東中有陌與阡草屋枕荒  
麓稻畦瀉清泉亭亭望夫石矗立南山巔夫君不可見淚  
目窮幽燕我如老客婦中情慨蘭荃念茲石不轉守節師  
前賢

周室昔代殷溥天皆王土食薇不食粟夷叔節空苦沙田  
本租界要約載盟府九十九年中 聖清尙爲主南服

附三  
橫鱣鯨中原鬪豺虎尺地無乾淨何方覓安堵黃冠不歸  
里烏瞻此焉取生當葺重茅死當穴宿莽

黎子齋繡佛度地築茅菴逶迤深谷間樹石侵雲嵐緬懷  
曹洞宗衣鉢走嶺南天然祖心輩花葉傳經函當時王陳  
屈謂說作喬生獨漉翁山雷峯相聚談國破圖自全洗心面瞿曇居  
士豈有意遺民夙所詣寒泉薦秋菊配合食應同龕靈運冀  
生天我懶安敢貪庶幾白蓮社斗酒容沈酣

移居龍湫潛客辱以詩賀次韻戲答卽以招之並呈

九龍真逸及楚公

永晦

倦遊君忽返征轡卜宅我且遲歸輪頻年風鶴苦行役海  
隅蜷局常酸辛故人枉存意良厚緘詩遠寄寂寞濱詩中



盛譽新居樂使我不復傷風塵我因有味漆園語蓋云

名者實之濱

寶

頗詫君詩戾名實拓地有願胡逡巡

君詩有恨不拓

地村朱陳語

世外仙源安所得陸沈何地非迷津故鄉風景豈

不戀登臨舉目百感新玉山峯高冷叢桂歲寒堂寂無松

筠

君嘗作玉山延秀圖年來玉山諸勝地諸君子風流雲散無復文酒之會節盃所居歲寒堂經年客遊不歸亦

闌其無人矣

瓜廬寄此雖少僻成衆例已符三人臨池學書或

訪伍

是公

漢臘能談亦有陳

九龍真逸

潘輿儻更奉此地慈觴同

舉羅浮春谷音一卷詩可續南村三徑菊可耘更待無邊

花柳動努力共饗爲天民莫問滄桑桑梓劫且結樂天天

隨鄰

借用張船山事

清和之月真逸惠菊賦謝

永晦

秋光陡接春光至意外幽人入座中澹泊相看容未改炎  
涼何物見應空故園歸去荒陶徑老淚悲來濺杜叢猶有  
孤芳慰岑寂可如一瓣奉南豐

癸丑三月自香江九龍歸里閻公確夫置酒餞別口

占以謝並寄真逸

永晦

久別例思歸歸轉傷懷抱故人情欸欸樽酒風前倒但勸  
我且歸不言歸去好滄桑一離羣閉門春欲老

寓港踰月歸意撩亂閻公招同澹菴登公訪真逸于

九龍山居遊眺至暮得詩二首

潛客

日日言歸未得歸天教聯袂欸巖扉連塍野色翻禾黍帶  
兩山光護蕨薇瓊笈參玄丹井冽霓裳譜舊曙星稀神龍

一去空城郭愁煞尊前老令威

瘦日荒煙廢壘昏何人獨樂此題園氣餘湖海書千卷家  
在羅浮月一村天地無情任蠻觸邑居成聚待崑原荔園  
半畝容招隱鵝鴨比鄰未覺喧

真逸以詩索和次韻奉答

潛客

嚶鳴相應和千里同一聲久別艱過逢驟見喜且驚憶昔

游崔臺酒賦餘豪情江南理歸榜

真逸由江甯返  
譙於菊坡精舍

滄浪濯

塵纓懽能幾何慘黷天柱傾龍川有大長象郡無堅城  
三年兩構亂海濱待誰清卷施心不死茗華念無生方寸  
各箕穎無讓初何爭君獨專一壑息壤當先盟

東陵豈炫瓜彭澤非戀園烈士多苦心難與悠悠言乘邪

恣攫搏銳欲朱其門芬華不盈皆災禍相批根鼎食亦鼎  
烹得喪誰復論且歌紫芝曲還我桃花源龜游甘曳泥雉  
啄忘處藩聊以遠機辟清淨爲道根巖棲未厭邃野屏期  
共敦玄玄文五千誓籥安足捫

龍山好峯巒龍湫冽泉水靈境不終閔津逮從此起同儕

推祭酒

謂吳澹菴

先生命杖履從來季重名雅與孔璋比

謂陳真逸

欣然挈家具買鄰得所止花竹信娟靚尤樂土風美似聞

十畝間仍招二三子樹題交讓枝門署高陽里五馬舊諳

徑

謂伍定公

傳車時在鄙

謂張闇公

何必定入林聞遁色然喜

逃空思避喧乃墮羣囂界飛車當門馳日夜趣行邁魂夢  
困掀簸恐壓坤軸壞士女豈不都空詠髮卷蠱高浪怒搏

人牀席險欲敗竇空者誰氏舉室賊遭怪今晨果斯遊御  
風吸仙溼頓令耳目淨一洗胸芥蒂頽暝莫挽貪此數  
刻快不合望荒臺滄涼發深唱

過澹庵龍湫新居詩以賀之并簡真逸 潛客

人生所資居與食如鳥兩翼車雙輪試令露處飽風霰肥  
魚大酒增愁辛故山幾度穴蛇豕十有九室逃海濱買區  
乘危索倍稱雖有華屋紛囂塵君居麻埭境差僻巢雲卻  
苦門無賓催租敗興急難擇望門傭隙行逡巡今朝喜色  
上眉宇俯拾卽是桃花津層軒曲榭畧展眺爽氣已奪新  
秋新蕭蕭蒼雪撥衣袂桑榆繞舍攢脩筠庭階頓復鄉土  
觀嘯傲恰稱羲皇人同游拊掌羨且妬恨不拓地村朱陳

著書有暇散腰脚歆紅領取無邊春

距宅不遠有小園顏曰逢春敗垣

槍卧賸落蘇

九龍故城有嘉慶間廢礮

故侯瓜美同耕耘

宅為真逸所引真逸將買

田為終焉之計

龍山高高龍湫曲天豈有意哀遺民徑來取醉防

惡客何時祭竈邀比鄰

癸丑八月借澹庵潛客楚公同訪九龍真逸次潛客

韻

闇公

惆悵天涯客未歸竭來重叩白雲扉蒼茫城郭埋荆棘寂

寞巖阿足蕨薇海內已傷同志少山中得見故人稀相從

舊是瀛洲侶愁說麟祥與鳳威

斜風細雨入黃昏花竹參差半畝園為愛林泉堪避俗便

離塵市自成村買山豈必同支遁卜宅何妨似屈原最憶

黃龍山下宿萬松深處絕塵喧

丙辰元旦作呈真逸

閻公

春風依舊到吾廬抗首長吟興不孤  
花鳥向人猶旖旎雲山如夢總模糊  
兒童笑樂還簪勝鄰舍懽呼正得廬  
莫問義熙何甲子但須強飲學屠沽

春日山居寄真逸作

閻公

春光不解爲誰妍獨卧空山雨雪天  
曉夢驚回殘臘後芳樽辜負好花前  
南飛何處棲烏鵲北望潛然拜杜鵑  
賸有匣中心史在一編私署景炎年

桑海遷流已幾經此身敢復怨飄零  
蒼茫故國雲中樹寥落知交曙後星  
山鳥祇應催客醉林鶯未必喚人醒  
若爲

長得熙春在重閭當年野史亭

丁巳初春過真逸瓜廬率賦呈選樓詩家

閻公

舊是羅浮客林泉卜宅幽在山迷徑路當戶面田疇

宸翰猶懸壁高歌獨倚樓層巒千疊翠如入畫中遊

莫問滄桑事空山幾歲華方春談稼穡隨地種桃花野史

心同證幽人跡未遐宋臺憑弔後流轉各天涯

癸丑秋偕  
澹菴潛客

同訪君於樂園宅  
寄廬今五年矣

九龍山人歌呈厲人先生

寓公

名士紛紛爲國出山人寄廬號真逸朝接徵書暮接電

熊鳳

凰內閣函電  
招山人不出

山人高卧人難見洞天福地空復空先生杖



履移九龍九龍滿繞香江水中有卧龍呼不起十年不晤  
悵離羣我訪山人當暮春阜帽斜簪孤島雲幼安龍頭當  
屬君沈沈風雨青猿叫山人獨效洪厓嘯碧血殘碑宋帝  
臺青煙冷酒楊侯廟中原龍戰多荆榛縱有魯叟悲鳳麟  
先生龍性誰能馴我願步履隨山人君不見九龍潭上多  
蘭芷白鶴青松寒不死梅花清絕酥醪濃長在山人夢魂  
裏采薇而食歌式微淵明今是悟昨非蓬萊左股神仙依  
我同山人他日歸

山人九龍城詩采  
薇而食吾安歸

九月五日滬上漫成次潛客韻寄厲人 寓公

松柏山人久不歸寂寥籬菊對荆扉東坡老去思嘗荔庾  
信羈棲賦食薇厭聽杜鵑頻淚落愁同烏鵲見星稀近來

山三  
三  
頗得消閒法一卷駢文效稚威

秋風秋雨易黃昏胡蝶遽然化漆園桃梗似人悲逝水梅  
花入夢返孤村餘生有幾看雙鬢一死無名憾九原便欲  
從君賦招隱流鶯不聽比鄰喧

滬上漫成詩厲人讀之以爲沈痛步前韻再成二律

并呈厲人選樓碧峯

寓公

倦遊似鳥亦思歸雪滿園林月滿扉松柏

山名

任荒三徑菊

羅浮應戀兩山薇好撐傲骨冰霜鍊已過重陽風雨稀問  
訊芙蓉塘外路輕雷無復作寒威

上海五晝夜之戰礮聲不絕義山所謂芙蓉塘

外有輕雷

一笑那知夕景昏飄蕭杖履味菘園夢生南海池塘草春

在東風嶺嶠村團扇幾家圖務觀買絲他日繡平原

選樓和詩

有文章有價重平  
原句聊以解嘲

雲中雞犬休相笑安穩茅簷燕雀暄

厲人和滬上漫成詩有更欲勸君除綺語山居素笈

問龍威句賦此答之仍步前韻

寓公

風塵瀕洞我安歸每作愁吟晝掩扉騷客靈脩怨蘭蕙女  
郎詩句愛薔薇義山楚雨含情託昌谷秦灰感淚稀粥粥  
羣雌飛啄好無鹽刻畫妬南威

紫陌黃埃白日昏杜鵑魂魄去芳園歌殘後主無愁曲蹟  
訪明妃尙有村細雨聽鶯桃葉渡秋風匹馬杜陵原何曾  
怕墮坭犁獄綺語刪除厭客暄

聞九龍真逸瓜廬築成喜賦次薌池過真逸瓜廬詩

韻

寓公

我愛真逸子瓜廬築九龍潛鱗歸六澤射隼孰高墉杜老  
詩心苦陶公酒興濃西疇倚欄望力穡願為農

異代精靈聚嶺南多逸民過江人似鯽浮海世悲麟吾意  
歸來切鄰居夢想頻張融與慧曉楊柳兩家春

九龍真逸惠寄龍門度牒賦謝

四首

永恆

故人憐我老無田導入朱明舊洞天從此不愁薇蕨盡餐  
霞飲露足窮年

四百峯尖各出羣酥醪高絕斷浮雲頰來一紙長桑牒便  
是華陽十賚文

誰謂癯翁鵠可騎衰顏自鏡似蒙俱從今端坐遲笙鶴示

我先機賴導師

英雄回首卽神仙熟了黃粱夢已圓還賸羅浮山色好齊  
州九點只成煙

寄懷真逸

遯谷

折得蓬山桂一枝元稹才調內人知丹霄咫尺容揮翰絳  
節輜軒命採詩何意錦帆收建業適當珂里起潢池江河  
日下衣冠異長抱冰心住水湄

一別春明廿載深故交難得共山林公權筆正覘風骨宏  
景樓高稱道心藥譜丹經期互訂雲裝煙駕合相尋踵門  
休怪陶潛懶扶上籃輿力不禁

恭和九龍山居原韻

東安梁樹勳

仰望高蹤切景行深情可證石三生事艱直道悲禽父賦  
賣長門讓馬卿海外有天同日月山中無歷記陰晴滄浪  
合濯龍湫水我亦年來早解纓

後塵進步莫遲徊竊附幽光亦快哉有志避秦今得地無  
心朝漢復登臺風驚萑澤氛猶熾景迫崦嵫鬢已摧欲買  
德鄰長卜宅兩家春好漫相猜

讀過九龍山居諸作有感次韻寫懷寄呈

梁樹勳

黃農已沒我安歸叢竹深深靜掩扉

家園中有叢竹山房

荒徑猶存

彭澤菊窮山願採首陽薇京遙久慨來書絕地僻何嫌過  
客稀太息閭閻兵燹後祇留虛室長伊威

霧氣沈沈白晝昏三年久不出怡園

家園名怡園自辛酉亥東歸家居三載

時常醉雞豚社十畝閑居碌碡村空有素心懷故國愧無

綿力致中原愛尋勝境廬同結車馬門稀合避喧

訪九龍真逸山居宿留談讌奉題竝和真逸作

凌鶴書 孟徵

陳蕃榻下辱留徐大海前橫好隱居鶴嶺種梅娛像設西丁

遊羅浮宿梅花仙院乃先生尊甫暨同人所築也今見山居像設它日當於鶴嶺之下補種梅花耳龍湫煮

茗助談餘幸從子慶窺盆盎漫詫圖南讀道書欲買芳鄰

愧緜力五羊回首一愁予

冬日過真逸瓜廬

黃瀚華 薌池

麒麟峯高桐百尺一曲瑤琴衆山碧深深柳護讀書堂四

壁詩篇題晉歷著書閉戶依長松漸作龍鱗映顏色宋王  
臺畔有薇蕨載酒人來偕采食酒酣高吟天地寬藜牀已  
穿堪偃息回憶燕臺聚首時一場春夢空懷思 璇宮壘  
頒福壽字星軺三賦皇華詩觀風曾向東瀛渡匆匆又指  
江南路化雨方宏造士恩望雲忽作思親賦歸來攜得鍾  
山雲自奉板輿娛老親鼠狐嘯聚城社覆覓得桃源淚滿  
巾我來正值孟冬月朔風凜凜刺人骨中原干戈尙未歇  
毒霧一窩鬱虵蠖徘徊官富對夕陽共訪遺民尋斷碣世  
外滄桑何足論此中便是神仙窟

寓公寄示癸丑九月五日滬上漫成二律次韻和之

以促其歸並呈眞逸

東莞

鍾菁華 碧峯



楓冷吳江一鴈歸新詩讀罷倚柴扉六朝殘夢迷金粉千

里秋心感蕨薇塵海蒼茫衰鬢改晨星寥落故人稀羅浮

舊隱依然在采藥何時約孝威高士傳臺孝威隱居不仕采藥自樂

極目天涯日又昏荒蕪應自憶田園先塋松柏森參里黃邑

孝子舒晉時人有司旌其居曰參里其舊社枌榆暗邵村

旁山亦曰參里山見沈懷遠南越志公所居亦名邵村以南漢邵廷瑀得名慢感滄桑悲往事且欣鞞鼓歇中原

鳳臺社散憑君復邑舊有鳳臺詩社樽酒論文笑語喧

龍湫井賦呈真逸  
祁正武垣

鶴嶺西陂下人間第幾泉天留飲遺老清結在山緣

九龍訪真逸先生瓜廬賦呈兼簡選樓薌池兩君

梁涓又農

荒村極野趣老屋空塵囂春風藹門巷喜叩青陽蕭主人  
達官貴落落輕仙僚冷眼閱世變息心期道昭瓜廬著述  
富志晦神獨超文章炳淵穆山斗凝風標

頻年思故鄉所歷足憂懼鴟鴞滿人寰樂土此堪賦愛茲  
杖履適弗罍荆棘步先生深結廬高挹山林趣我來飽眼  
福珍秘飫心慕榮枯任乾坤真宰漫相訴

屏迹寄幽獨物情緣未慳田疇密以邇木石瘦且頑嗤彼  
僕僕輩白日誰能閒金錢塞人海萬惡羣追攀信美此閒  
樂擁書對雲山野服自瀟灑清風時往還

卓午登前樓鯉門望不遠荒城雉堞古巖岫碧相獻近園  
有嘉蔬日可摘新嫩如何 南齋彥甘此作肥遯喜讀驚

座詩傾情起頑鈍同來有蘇黃深契慰吾願

過九龍城訪真逸山居

選樓

真逸於國變後隱居九龍山中不聞世事徵書屢  
下出岫無心饒有伯鸞高致甲寅夏日訪之導游  
官富場諸古蹟茗談暢甚爰賦此奉贈

閒雲舒卷翠微巔能解巖棲善自全高蹈宛如遷谷鳥清  
流恥作出山泉陳咸詎用王家臘靖節猶書晉代年悵望  
故宮禾黍遍青衫和淚灑蠻煙

寓公以滬上漫成見寄次和並呈真逸 選樓

秋風鱸膾客思歸蕭瑟江關獨掩扉西去曾栽彭澤柳

寓公

曾宰山西北行忍采首山薇聽琴司馬青衫濕攬鏡安仁白

髮稀悵望天涯千里月素娥能否耐霜威

頽洞風塵日欲昏荆榛狐兔徧田園鄉愁撩亂聞砧夜吟

夢敵殘落葉村湖海無波容少白文章有價重平原寓公所刻

詩集駢文久已傳誦何人偕隱羅浮去高卧雲中謝俗喧

厲人讀滬上漫成詩以爲沈痛寓公再用前韻奉寄

次答

選樓

遼海高翔鶴未歸

寓公贈詩有我同遼海春歸鶴

故山松柏繞雲屏金莖

雅集歌黃竹玉署清時憶紫薇國事競爭蠻觸急人才寥

落鳳麟稀蓬臺元圃滄桑感

楊鐵崖流寓上海築蓬臺元圃

文采於今仰

孝威

淚灑新亭落照昏秋風憔悴感文園交游燕趙悲歌士夢

想羅浮貫酒村豆泣忍教鋤異種瓜分誰復挽中原滄江  
龍卧甘遺逸冷笑羣鴉繞樹暄

九龍寄廬奉懷澹庵潛客兩先生

選樓

二老采薇客清高海鶴姿所南鐵函史臯羽冬青辭同掬  
遺民淚難忘故主思楚庭有松柏挺立歲寒時

名士攀龍去陳咸甘杜門三綱能獨植八表慨同昏靜對  
圖書古清言道義敦宋臺寄高詠尙有典型存

九龍中秋次宋趙秋曉和文文山賞月原韻

選樓

佳節相逢惟飲酒稱心人月共圓難疏桐夜雨迷高漢叢  
桂秋風冷小山紫府儘容仙侶住黃冠敢冀故鄉還瓊樓

玉宇心猶戀水調歌聲徹海寰

題真逸瓜廬次淵明移居韻

選樓

龍湫白雲深中有幽人宅山色滿窗牖覽勝樂晨夕  
蕪香讀道書肯爲好爵役嗤彼美新輩皇皇不煖席  
何如學種瓜夢梁悟疇昔窮達素所安逢萌三綱析

杜門絕塵想飲酒復賦詩矯首眄庭柯鴻飛目送之  
客道桑麻長談諧無俗思誰識申屠蟠匿跡芒屨時  
夙抱黍離感宋臺近峙茲抗節歌黃農雲壑忍見欺

丁巳春陪闇公過真逸瓜廬作

選樓

鶴嶺誰高蹈幽人此結廬東陵瓜種後南野柳垂初  
回首滄桑夢移情笠澤書采薇曾抗節溷迹侶樵漁

海濱偕二老訪舊宋臺過地僻鳥聲寂天空野趣多蓬蒿  
仲蔚徑安樂邵雍窩詩畫恣流覽憑欄發浩歌







附錄

與寓公書 乙卯臘月

真逸

寓公足下奉讀所撰海上寓賢錄跋評懸月旦義炳陽秋  
孔稚圭勒北山之文魯仲連蹈東海之節矚然不滓情見  
乎辭續接手書於一二寓賢中舉彼篇章以爲訕笑華歆  
龍頭拜司徒之職阮籍鸞嘯成勸進之賤惟寂寞自投閣  
爰清靜作符命昔之所僂今以爲榮名士如斯可勝浩歎  
抑僕尤有感者夫東漢之世節義相高兩晉以還廉恥日  
喪顧亭林以爲建安丞相薄仁孝之風正始名流蔑周孔  
之典是以國亡於上教淪於下羌戎互僭君臣屢易斯昔  
賢之至論亦後學所稔知若夫李唐以後爰迄今茲凡厥

遷流差堪商摧慨自鄭五無能朱三肆虐熾其凶醜毒彼  
 清流然韋端已之依西蜀冀復唐仇司空圖之隱中條誓  
 辭梁祿高標松節羅昭諫不履新朝危捋虎鬚韓致光但  
 稱舊職雖天運窮剝世道陵夷一行之傳惟有逍遙先生  
 長樂之書爭羨癡頑老子而物極必反宋儒遂興泰山濂  
 洛倡絕學於前涑水紫陽續大經於後其間荆公異說舉  
 世弗宗謂伯夷不甘餓死謂馮道實救衆生學僻而非折  
 衷一是流風所播易代逾彰疊山賣卜旣變姓名深窻著  
 書不聞徵辟西臺皋父擊竹如意而悲歌南野憶翁署鐵  
 函經而百拜汪水雲之隨北狩歸老黃冠唐王潛之護諸  
 陵甘爲行丐斯並神傷杜宇淚洒冬青身歷興亡心存名

教他若月泉吟侶沙社遺民霽山樵唱之篇清碧公  
集聯翩偕隱史冊未書匪惟死事之烈氣壯本朝如  
遜之高道光前代將非道學之說其人人者深乎於  
元以迄勝朝皆黜楊墨而崇先聖前徽未沫正氣崇  
河汾逸老湖泖高人東林復社之賢二曲夏峯之與  
道義無事敷揚乃若遺山則就覲世祖鐵厓則赴刀  
東澗尙書竟修降表梅邨學士亦上徵車然而題詩  
布衣獻詞乃稱老婦錄吾炙一集深契孤臣著絕命  
緬懷奇節苟白圭之有玷終清夜之滋慙從未有舛  
裳膏唇拭舌故人遇我自比嚴陵國史非公競稱信  
其甚者乃謂諸夏亡君有臣何貳倡爲邪說以誤後

新莽稱攝逢萌不必挂冠董卓未篡蔡邕非爲失節乎伊  
川野祭周辛有已歎其亡神州陸沈王夷甫詎辭其責斯  
又亭林所謂有亡國有亡天下姓號改易謂之亡國仁義  
充塞謂之亡天下者也嗚呼痛哉且僕更爲足下罕譬言  
之夫息媯事楚憫默無言文姬入胡流離自悼樂昌公主  
撫破鏡而銜悲花藻夫人拜紫衣而飲泣雖未比虜面引  
鑑割鼻援刀刎頸於強鄰斷臂於逆旅然大節縱虧貞心  
未泯或悲所遇猶諒其人乃若效齊國之鄰女育七子而  
俱成學河間之婦人聚羣惡而相處而猶侈言不嫁自稱  
未亡似此厚顏必當唾面然則今之諸臣以無君爲非貳  
者毋乃昔之二婦亦無夫而非淫乎嗟夫文人無行自古

爲然貪夫徇財於今尤烈三綱旣墮四維不張淪胥以亡  
累劫莫復僕與足下躬丁陽九跡寄海濱勉松柏之後凋  
嗟風雨其如晦亦惟有永矢弗過永矢弗告而已悠悠斯  
世夫復何言真逸頓首



511

111

跋

丙辰季秋九龍真逸暨蘇君選樓爲拜趙秋曉先生生日之會勝懷雅集賡唱遂多蘇君并錄真逸諸公詠懷古蹟及山居贈答之作附以已作都爲一帙名曰宋臺秋唱當時以同人索閱未遑編次遂付排印使當鈔胥諸公見之重爲訂定釐作三卷余因取付剞劂俾永流傳卷端仍署蘇君編者從其舊也原有梁君又農一跋疏舉真逸諸公姓名聞諸公多不欲以姓名見諸世茲不復載入嗟夫吳清翁之吟社祇賦田園謝皋羽之登臺惟稱甲乙後之覽者幸無訾焉旨丁巳仲秋東莞黃瀚華謹跋





附錄

趙必瑒傳

趙必瑒字玉淵號秋曉邑之柵口人系出濮安懿王高祖  
不母以少保觀察福建因家於閩曾祖善企武節大夫南

宗正司撿察主管台州崇道觀祖汝拾廣東鹽幹父崇誦

侍鹽幹於廣遂家東莞陳璉琴軒集趙秋曉墓表按宋

靖王元份元份生濮安懿王允讓允讓生太師建孝良王

宗蓋宗蓋生榮國孝節公仲的仲的生贈少師和國公士

懔士懔生武翼大夫不母不母生善企必瑒少穎悟讀書

輒通解工詞賦陳紀秋曉咸淳元年與父崇誦同登進士

崇誦性恬淡任南安司戶參軍卓著賢聲尋曰父子竊祿  
是取盈於造物也解歸黃佐通志必瑒釋褐授從事郎肇慶府

高要縣簿尉太守檄攝四會令

琴軒集

邑有二人忿爭各自

殘互訴於官前令毛舉細微根株相連搖動一鄉必瑒至

曰彼皆輕生豈可波及良善以長很俗乎斥二家各收瘞

鄉人德之為立生祠

四會縣志宦績

後陞秩文林郎南安軍南康

縣丞尋棄官歸養邑大夫政有未達嘗詣門咨訪必瑒為

陳利害多所裨益

琴軒集

德祐四年夏惠州守文璧辟為郡

從事眷之如子姪甫一月以親病告歸

通志參覆詁集

會

邑人熊飛以勤王兵潰歸附奉主率命自循惠下招輯東

廣而梁雄飛亦以招安兵自大庾下先入城飛與梁構兵

弗解

琴軒集

必瑒念欲為宗國因以語中飛曰師出無名是

為盜也吾聞宋主舟在海中將遣趙潛方興制置安撫東

廣不若建宋號通二使尊宋主然後舉兵入城事成則可

雄一方不成亦足以垂不朽飛深然之即日署宋旗舉兵

向城梁遁去遂迎趙方二使入廣飛欲盡括邑人財穀以

充軍實人情洵洵必瑒請於飛願以家貲三千緡米五百

石贍軍乞寬邑人之力飛從之就委必瑒董其事必瑒第

物力高下而均其輸鄉井賴以不擾陳紀撰景炎三年三

月文天祥復惠州宋史二開督府於惠陳紀撰集兵勤王

通志時文璧以祕撰都承分憲重守惠陽因以書招必瑒覆

集答文必瑒往謁天祥相與論時事慷慨泣下通志天祥偉

其義辟朝散郎簽書惠州軍事判官兼知錄事璧時為行

朝總領尤敬愛必瑒每事取決焉陳紀撰必瑒因殫謀竭

忠力圖恢復然勢已不支桂山志是歲十一月天祥被執於

五坡嶺二王紀必瑒察壁無堅守意通志誤綴必瑒詣天祥及此條於說熊飛之前

誤不得已遁歸明年宋亡劉鴻漸東莞宋八遺民錄序元以故官例授

將仕郎象州儒學教授不赴琴軒集遂退隱於邑之温塘村

足跡不入城郭惟西走大奚東走甲子短衣敝笠徘徊海

岸不持一童每望厓山則伏地大哭又畫天祥像於廳事

上朝夕泣拜劉鴻漸東莞宋八遺民錄序必瑒為人才識俊邁多慷慨

仗大義樂周人之急通志閒居時喜士好賓客日擊鮮為具

無厭怠意及是益縱飲時或憑陵大叫以紓其卓厲不平

之氣陳紀撰行狀嘗題其室曰詩人祇合住茅屋天下未嘗無

菜羹其寄託可知已粵大記晚歲所交如梅水村陳匣峯趙

竹澗李梅南張恕齋小山諸人年長則父事年相若則兄

事陳紀撰行狀按梅水邨名時舉永嘉人嘗流寓於莞

弟李梅南名士龍居廣州皆見覆瓿集中張恕齋名登辰

詳張登辰有海鄉甥館懷竹澗水村二友詩云鴨引新雛

續乳孩半間老屋脫秦灰詩人門地那無竹處士家風例

要梅游倦莫教芳草怨信稀誰寄白雲來且將醉裏持螯

手旋擘蓮蓬薦碧酷據此竹澗一時隱者多就之通志

水村蓋流寓莞之瀕海諸鄉者按集中

所載如李梅外李梅邊陳東湖俱邑人詳見下卷此外如

張昭子徐心遠劉貳車黃秋楊推朱水鄉李自玉鄧南山

陳新綠諸人俱不可至元三十一年十二月卒琴軒年五

趙必璩詩詞

生朝餽客卽席用韻

原注九月十七

西風吹客浮仙槎萬斛詩香散幽遐瓊裾翠裳佩九霞賜

我羔酒龍團茶翦錦飛落山人家黃絹幼婦無以加衰賤  
何足辱齒牙相看白髮羞黃花西山薇蕨東陵瓜前村烟  
雨黃犢車共嚼秋芳咀春華茅齋飲盡鄰可賒

賀新郎 壽陳新綠

壽酒浮萸菊記年年重陽嘉節開樽華屋綠鬢朱顏春不  
改彼美人兮如玉有錦繡珠璣滿腹戶外紅塵飛不到受  
人間倒大清閒福數花甲纔八六十分秋色呈新綠一  
簇兒池館亭臺左梅右竹柳下繫船花下飲不減西園金  
谷更橋外安排棋局獨立小橋明月夜喚鶯鶯低唱雙飛  
曲有子也萬事足

按此詞新綠生日在重九先秋曉  
八日未語則謂其姬人將誕子也

又生朝新綠用前韻見贈再依調答之

低唱芙蓉菊有吟翁坐擁紅嬌宴黃金屋恰則紱麟三日  
後燦燦醉盤珠玉不待夢燕懷楓腹自是嫦娥分桂種伴  
靈椿千歲延清福回笑我龜藏六歸歎老圃鉏春綠吾  
菟裘三逕荒苔一庭瘦竹欲隱貧無山可買聊爾徜徉盤  
谷更管甚雲臺玉局繁閉柴門傳語客道主人高枕南牕  
曲有酒蠓此生足

按此詞與前詞當同時作前半賀其得子後半則詠懷也

摘自九龍真逸輯宋東莞遺民錄





宋吉臺集

雲僧



繡詩樓叢  
書廿一種

वसिष्ठ उवाच

ज्ञानं ध्यानं तपः  
श्रद्धा च संन्यासः  
सर्वं कुरुते साधुः  
सर्वं कुरुते साधुः

सर्वं कुरुते साधुः


陳獨漉先生句

一聲望帝嗁荒殿

百戰山河見落暉

增城賴所題書

宋 秋 景 園 唱 圖
















竹杖棕鞋物外遊，海天猶似舊時秋。林樾醜醜窪窪汗對酒，  
 相看半白頭。紅蕖採罷報新涼，老樹疏籬夕照黃。他日恨中  
 重，願影如將鴻雪括江鄉。戊午香島姚菊題時年七十有八

絕  
 巖  
 懸  
 風  
 塵  
 味  
 芳  
 知  
 十  
 飲  
 酒  
 堪  
 憐  
 佳  
 水  
 自  
 竹  
 相  
 探  
 人  
 在  
 家  
 上  
 居  
 生  
 有  
 日  
 追  
 學  
 增  
 壯  
 壯  
 壯



賴煥文  
 楊達初  
 姚仲衡  
 張漢三  
 曾兆榮  
 陳子燭  
 姚俊卿  
 陳子丹


數字揚和室，清泉符子琴。故人不可見，一樹自蕭森。獨闌三寸地，  
 同來六月程。家來坐所事，多生為看花。菊盞吹籬，雨柴門掩夕暉。  
 高公不覺，山月送人歸。玉笛誰家，怨金樽。此日開年，近重九風。  
 雨宋王墨 戊午秋仲倪平深步嶺子丹和題





德海水聲飛蛟螭方起舞誰知嘉歆地清湛魚可食生觀非羨  
 魚慎勿怨求昨寫興有濠梁空歎况倚信原倒幸吾真疏慵信  
 天典何當置孤蓬怪家就烟渚 戊午姚鈞題時年二十六

頌賦  
 江鄉  
 洲羨  
 可知  
 竹喧  
 蓮動  
 風日  
 斜時  
 乍見  
 依蕭  
 索庭  
 柳宜  
 釣山  
 水  
 甚  
 思  
 賦  
 題



姚鈞  
 張漢三  
 謝文  
 陳子昇  
 曹兆榮  
 陳子厲

為東艾菴再涉江主人新放木蘭艇秋風蕙菜憐張翰不得鱸  
 魚心不降果在拳個得地珍巨口何須弄細鱗打起浪花吹浪水一  
 時忙教老詩人來興未盡生夕陽山川九畫入爾網金盞鱸蟹新草酒  
 醉倒仙人三看堂 中有龍襄翁渭年歸來先唱打魚篇少後已至購  
 風香猶見人間五帝蓮 鏡平涼步餅子井和題



陳夫子丹以詩論補注樓初集刻余嘗為文

序以余曩就澄海文範學校席坐與君以文

字相往還也己而南行赴閩婆娑事僑界社

會之役為期近十載自預學適竟肯執筆

且不成文矣是年五月以慈命各歸國便

送過系流乃趨君席快契潤譚君以宋

學集近作詩見示讀之覺纏綿悱惻似

中有不似己而為之者古人云歌有思哭有懷

庶幾近之。曰：難也。曰：曩序君詩，曾言此。已  
集，繼出使，余以執筆。再為序，及必更時。  
踏志滿，令果成矣。抑以宋堊名集，嘗所說  
傷心，人別市懷抱，其如耶。君笑而不言。  
時行季倉會，未暇稍予藻飾。輒申此遺，  
序君詩，名以誌萍踪。歸合之感，由之。尔  
詔在，拂希時，後於尔，記字次。



宋臺集

饒平陳步墀子丹

丙辰春日侍家子礪師登宋王臺懷古

九州南盡一臺存日落蒼茫巨石蹲天水有家淪澤國中

原無地定乾坤侯王廟裏碑留蹟

侯王廟碑為師所撰

公主墳前金

鑄魂我侍南豐來弔古辨香初上鯉魚門

窮海原來是帝鄉登臨相顧總悲涼  
厓門歷歷慈元殿芳草萋萋官富場  
一代興亡歸氣運數家迎送憶壺漿  
羣山萬壑如今在猶作屏藩赴宋王

身世同嗟行路難零丁洋裏寸心丹  
有臣如此亡何易得

衆偏能奠小安  
北見黃龍翔海澗  
心驚白浪接天寒  
可憐甲子門前水  
留與荒臺一例看

憑欄回望九龍城  
誰可呼龍嶺上耕

呼龍嶺上耕  
吾師句

燕子思巢

飛故故海邦  
聞道履平平  
潮來有恨成千古  
國破何關打五更  
正是江花江草日  
白頭吟罷淚縱橫

題梁杭雪禮部繪繡詩樓圖

寒雨連江讀楚辭  
高樓如畫畫如詩  
悽然一代離騷手  
淪落人間杜拾遺

風流我欲談天寶  
朝士如今已不多  
省識數椽江上宅  
憐君猶繪舊山河

輓蕭竹朋上舍

漢傑

何人白雲裏招我老詞仙上壽宜南極生涯在酒邊荒涼  
五羊石惆悵六蓬船彈指論交日息息三十年

相如曾賣賦散盡復千金昔日文場厄依然淪落吟東風  
深別夢南國重苔岑與子期終古無人知此心

嗟余腸欲斷恍惚瞎堂僧

明末番禺天然和尚

天末懷君子江頭哀

少陵別無身後累賸有佛前鐙老淚頻年落慈悲愧未能

遙知鸞鶴侶相見有蕭齋

謂蕭伯瑤

生死艱難日悲歌感慨懷

詩同天地壽人與玉香埋余亦禺陽去花南一老偕

黃日坡隱

於禺陽深處  
號花南道人

黃日坡明經南園種柳徵和

柳斯苑彼木為心君趁涼秋沿澤吟一自曉風殘月夢醒  
來何處不成陰

寂寞城南五子園那堪重湖抗風軒君臣大節無人問空  
見長條綠到門

三起三眠應倦了半迎半送亦勞哉行人莫誤隨風認此  
是陶潛手植來

為有揚州月旦評牡丹詞繼十先生何人再唱依依曲奪  
得靈和第一名

秋日同姚俊卿張輝庭諸子重登宋王臺用輝庭韻

重來憑眺又銷魂  
濤撼邊城夕照村  
尚有高臺徵往宋  
更無餘地弔亡元  
愁生國步艱難際  
望斷厓山上下門  
我欲牢騷問天帝  
泛槎直到紫薇垣

不見畸人郭橐駝  
尚留名士渡江多  
招尋穉子同仙侶  
踏破寒煙上翠蘿  
片石蒼涼餘帝業  
一年容易又秋過  
從知古恨如今恨  
便把長河作淚河

曾君兆榮招遊蒲岡即席呈張輝庭姚嶰雪諸子

蒲岡之原靈所鍾  
清川長薄環無窮  
麒麟一峰枕村後  
決東海來雄風曾  
君何年卜斯宅  
招展華旗正延客  
三省人逃秦亂時  
九龍門傍宋臺石  
勝遊恰值八月間  
問津竟

入桃源席落了秋蓮並蒂紅

主人連年得並蒂蓮

飛上寒汀一雁白

輝庭子嶰雪翁與君意氣殊相同落落乾坤幾碩果蕭蕭

雨雪參長松從來海外浮桴老不作商山圖四皓今我不

樂思何方願與漁樵共枯槁左挈榼右提壺主人清興已

不孤前者應後者呼舞雩歸詠今何如與君歌一曲博君

一笑同軒渠座有南極老人星在此更攜仙子連麻姑

是日

婦孺同行蟠桃之會既不減橘中之樂亦無逾况又文星臨壽

域天將木鐸徇邊隅

嶰雪廣文年七十六

臨行贈語蒲岡主知是武

城舊能武安得弦歌庶富餘便成鄒魯風流古斯時坐我

園亭中春風桃李何雍容扶持大雅賴公等伫看重躡麒

麟峯

送姚俊卿廣文歸粵

歲寒仍作客相對盡松梅一竹凌天地千峯落酒杯崎嶇  
裙帶路歸去越王臺我亦攜琴至蒼茫雲水隈  
無言彈數曲有淚溼重襟故國人千里空江龍一吟不知  
近城郭何處是山林芳草明年約春風入座深

同張漢三侍御訪子礪師真逸瓜廬

北斗清高望南齋侍從臣言尋九龍地來訪一儒巾城郭  
非吾土天涯有比鄰此中真畎畝干祿爾何人  
不盡中田興青青桑柘園數家通竹徑一水遶柴扉有夢

仍歸國無人會采薇四三種瓜客相對坐忘機

學稼原非易誅茅今所難自憐多白髮不及老黃冠日月  
雙輪逝乾坤一閣寒蒼茫宋臺石懷古即長安

曲江風度好老至亦同心笠屐先朝賜草堂今日吟門前  
桃李樹別後羅浮陰去去頻回首遙遙松柏林

九月十三日宋趙秋曉先生生朝子礪師集同人設

像祀之後至補題

客邸無花可傲霜殘枝零落過重陽陶潛尚有籬邊菊手  
拗寒香伴酒漿

一髮青山望眼微中原何處乏熊飛問誰怨鳥斜陽道指



點旌旗日下歸

牢落中年兩鬢絲先生茅屋我茅茨羹風味同消受又  
掃瓜廬待薦詩

南朝不見文丞相東莞猶瞻趙省郎一樣高堂懸像處古  
人哀哭後人傷

潮州雜詠

人困崔符憶太平三良

方軍門耀孫總戎  
國乾陳太守北棠

同說好官聲摩

屋尚有韓山石勒盡碑銘涕淚成

竹杖由來在手扶家家兒女苦崎嶇懸書自沐賢侯化

李太

守士彬一幅陽春有腳圖

禁纏足

靡靡繁音童子班若非濮上即桑間宜人最是外江調高  
演雲長過五關

田畔桔槔水裏舟舟師田父亦優悠獨憐下體無遮挂笑  
鮒遊人在上頭

吊香江馬場之災

戊午年元月十六日

焚廐傷心古所知不圖浩劫到今時憑欄歌泣無端淚灑  
向人間唱竹枝

地震纔驚落羽毛

元月初三月

天心示警凜寒刀如何玉石同萌

葉燒盡牛山濯濯高

春入連天不雨雷祝融為患旱為災可憐士女如雲去為

鬪繁華寂寞回

浩浩平沙黯黯天  
戰場吊古有文傳  
河山縹緲無亭長  
愁絕招魂落照邊

為新會林鹿茸茂才題其高祖漢輔先生及妣張太孺人遺像

藍袍高坐上  
庠公五十行  
年顏似童我亦牽車曾服賈不能億中比恆豐

先生店號

蘭玉森森聚此鄉  
風裁珍重一圖藏  
梅花萬樹林和靖  
自

有淵源三重堂

先生堂名

六秩齊眉德曜姿  
孺人曾輓鹿車時  
風塵落拓陳無已  
來

上粉榆百首詩

單水雙溪隔暮雲一池吹縵雨紛紛嶺南何處無龍眼祇

少吟詩桓少君

雨紛紛水沾塵龍眼樹水波紋孺人之句

上巳

變亂人時節候非采蘭贈芍意多違林間一鳥啼何事知  
是杜鵑帶血歸

落花

無奈春何去太息小園一夜怨東風海棠開盡荼蘼了狼  
藉雕欄落碎紅

蜂蝶紛紛忽過牆舊時相識燕還鄉祇餘蛛網當陽結欲

單香魂返畫堂

說到繁華事盡悽  
斷橋流水亂香迷  
芒鞋踏破蒼苔路  
又送斜陽過里西

殘月昏黃照短籬  
數聲啼鳥戀孤枝  
年年花事忙如許  
不管人間有別離

戊午秋日同姚俊卿廣文家子礪方伯師張漢三廉  
訪賴煥文編修姚仲衡茂才遊曾氏暢和室食池  
魚有賦

幾字暢和室清泉符子琴  
故人不可見一樹自蕭森  
獨闢三弓地同乘八月槎  
客來無所事多半為看花

菊盞映籬落柴門掩夕暉高吟不覺暝山月送人歸

玉笛誰家怨金樽此日開年年近重九風雨宋王臺

為采芙蓉再涉江主人新葺木蘭艘秋風蓴菜憐張翰不  
得鱸魚心不降

果然舉網得池珍巨口何須并細鱗打起浪花吹縵水一  
時忙斂老詩人

乘興來遊坐夕陽山川如畫入蒲岡金盤繪鯉新亭酒醉

倒仙人三省堂

蒲岡村主人所居三省舊家風其門聯也

中有離憂釣渭年歸來先唱打魚篇

姚廣文詩先成

少陵已去麟

鳳香猶見人間並蒂蓮

曾氏池中蓮年得並蒂蓮

鄭齋感逝詩題詞奉寄孫師鄭太史都門

尚有新詩卷依然舊令名人間問何世愁斂庾蘭成  
白日堂堂去青山隱隱居薊門風雪緊吟興近何如  
懷君不得意我寄草堂貲想見臨川筆魚龍點化時  
詩史談何易而今有鄭齋從來少陵叟流落在天涯

為蔡芳洲茂才題家脩養姪所畫梅月石

前生儂是九嶷仙小謫人間五十年祇有嫦娥知萼綠一  
輪長照到南天

籬落江邊花正開不勝風雪鶴飛來平生愛石真如命夢  
入羅浮又幾回

詩思年時動太清竹林小阮卻多情  
挾來十日吳淞筆亂寫疏枝去送行

欲訪閒雲不自由  
文人重蔡芳洲  
修成色相空如月  
要挂梅花最上頭

題鸚鵡圖

深宮二十數年華  
故國三千望眼賒  
文杏一株鸚鵡止  
教人淒唱後庭花

淪落天涯各異鄉  
多情還算雪衣娘  
繁華歌舞同承寵  
誰解平安問上皇

宋臺集卷終

番禺許振日東書



侯王廟碑

東莞陳伯陶撰并書

九龍岩西北有侯王廟甚靈異相傳神楊姓供其名南宋末忠臣始封侯晉封王故  
稱爲侯王余曰此殆楊亮節也史稱楊淑妃生蓋王是俞修容生術王高德祐二年以淑  
妃弟亮節修容弟妙瑤提舉二王府事元兵入臨安奉二王走婺州范文亮起發亮  
節等負二王桂步匿山中七日強金追及遂走温州至元十二年五月是即奉信福野  
冊楊淑妃爲太妃亮節居中素樸秀王共擇自以國家親賢身所諫正逆犯忌嫉諸  
將俱憚之嘗時勞苦功高爲朝廷具職必甚自是而後亮節遂不復見於史竝是年  
十一月元兵破建甯宗室遁入海十二月次惠州甲子門十三年次廣之藍蔚山四月次官富

增九龍古官富塢地疑亮節道病卒塋於斯土土人哀之立廟以祀史蓋失載也宋  
世分威表封王亮節晚二王於險王輔政則封侯<sup>生</sup>封王忠恩禮所必至海濱朴魯故不  
能詳其名及封郡耳不然如陸其亮節俱拙岸亮節尤用事十四年十月劉保  
追宋王至七州洋執如陸史有其文如亮節不死後必居元信史當特紀之矣况程二  
王海上史別無楊姓者自有晉侯而王炬赫如是而史闕文者予余故曰此殆亮節也嗚  
呼南宋之亡誠臣崎嶇海上有死無貳皆知不可為而力之者也史稱朝廷言秀王有劉  
文生之志重王身之孝宜留輔以隆國祚乃遣之出兵浙東被敗而死固加亮節以忠  
嫉之名然福如一隅不圖進取何以立國景炎冲幼不克親征非秀王親賢孰能師

于以保氏生李何以此為亮節犯乎余謂亮節之忠為宋外戚所罕有節盡死  
而其英魂毅魄血食斯土到今不衰有以也因詳致諸書為之碑以告土人且法為樂神  
送神之曲以侑之曰

朝潮兮富陽神之素兮被元裳前朱兮兮後白鵬背負黃龍兮相戲而蜿蜒鳴金

鏡兮

伐銅鼓以海唱兮公笑舞蒼藜兮堆盤神飲食兮酣懽

驅腥母兮搏癘身祐我民兮壽多有益君迎神

登沙兮涉溽神之吉兮朱旗殷日煌兮氣英兮火輪不晃兮御風以俱行沈沈

炫兮煙縷黑巨礮喧兮浪花白海鮪兮發之神具醉兮委佗射旄頭兮乘箕

尾食若土兮享于世世右遷神

按一統志林宋行宮卅餘所可攷者四其一為官富場社  
其址建上帝廟今宋王臺之東南有村名二王殿唐之  
狄居卽其地也知志又稱楊太妃女晉國公主弱死鑄金  
旁為耿逆福墓詢之土人則云在宋王臺西墓舊有碑  
遂蹟遂埋云耿逆祿祀志不詳為何許人疑未隨宋  
因并記之俾後之賢者有所攷焉 伯陶又識

登宋王臺作

九州何更有挺垓小  
終朝達此地開六壘  
犒龍潛海曲百官牆  
壁倚山隈難憑天塹  
限胡越為訪遺碑  
剔艸萊宗道景炎明  
經武皇輿先後總  
南來

登臨遠在水之涓  
豈獨興亡異代悲  
大地已

匯滄海盡怒濤  
捲扶故宮移殘山  
今虜周原外  
塊肉曾無趙氏遺  
我亦當年謝皋羽  
西臺恸哭六編詩

賴際世稿

宋王基

姚簡

破碎河山塊肉存播遷曾此駐雲根運窮猶作  
浮家計地僻難招社宇魂樓閣迷雜疑海市風  
濤瀆洞接崖門君臣殉國堪千古莫共微欽一例淪

寧落天涯兩鬢霜烟節雨屐對蒼茫少時雲道愁  
吳海坡老惟歌辭有鄉一代興亡餘片石故人憑吊  
玉窮荒荆榛滿目涕泗日不為登臨亦斷腸

三日錢塘潮不亞孤兒寡婦遊各地寒烟蚤  
雨石嵯峨道是南朝舊行次千古淪亡歎  
一邱瘞兒誰了公家事天風吹水聲浪  
浪盪我胸中不平氣海堦別墅與主人  
勤我梨花春我今衰老復飄泊沈值  
四海多風塵是時秋高陰月上風前



烟柳紛紛相向，得酒枯腸。世角生寒，游  
蕩日以原壯。才名陳子昂。詩張曲江。酒龍  
待席。非尋常。冬事。吊古。徒悲傷。會痛飲  
三千場。興酣。濯足萬里。凌枝桑。

醉歌行錄

子丹先生 鄧正 白雲樵史 初



倉皇龍馭走屋門，荒島遺蹤有斷垣。  
一死充難存淨土，六師同在懷忠魂。  
人穿帶，確中開路日高。淒迷海上村，  
極自依依天水碧。天水碧宋詞法故宮何處，  
謁慈元。西風瑟瑟，動青蘿，令帝念端空裡，  
追憶。鬢窮愁，銷歲月，可能大好。惜山河萬家燈火，  
攢星出十里帆檣，繞岫多話。斗興亡，同恨何人。  
逸史續荆馳荆馳逸史岳珂撰

和張君輝廷游宋王墓并次原韵錄呈

子丹先生郵政

白雲樵者未是稿

瘦骨我如竹清才  
君似梅空窗同剪燭花  
徑屢對盃挂席凌滄海披  
手訪古甚永懷投  
契忘杖扶涉巖隈  
茅茨寂函勝避暑  
憶披襟  
艷說金鐵巧能傳  
白雪吟至時  
幾古處  
聲價重  
詞林有子材  
如玉相期  
意每深

奉和

賜章並次原韻錄請

子丹先生郢政

白雪推者未定稿

戊午中秋曾園相照 沈君子丹屬題

竹杖棕鞋物外遊  
海天猶似舊時秋  
休辭醞釀  
佳節對酒相看  
白頭

紅葉搖蕩報新涼  
老樹疏籬雜夕照  
莫他日  
鏡中重顧影  
好將鴻雪話江鄉

題觀漁幅

滄海水羣飛  
蛟蟠方起  
弄誰知  
鼓飲池清  
湛魚  
可數  
坐觀北羨  
魚慎勿恣  
求取  
富興有  
漁梁

陰歎沈傳侶潦倒幸吾真  
孤蓬浮家就烟渚  
孤蓬浮家就烟渚

白雲樵者未是稿

昨承 招游茅茨蒲瀝絕產不憂港中有此清  
深世界幸成一律以談欣幸錄清

鄧正

豪情勝概古人同  
早擅才名繼射洪  
百尺樓高滄海上  
一宮人住碧雲中  
先師紅顏眼  
藤蘿月  
涼沁詩蒐枕  
簞風萬綠成  
團團花四壁  
不教  
飛斗點  
產紅

白雲樵者嶽雪初稿

碧紋因頂護芳產春色江南又一新不信紅  
艷能上影披因端歎真々

悞將粥々數犀雌一闌美飲劫海涯英更  
樽前話天寶杜陵腸斷羨花時

子丹先生屬題史部小影中請

晒政  
白中樞者未定稿

宋臺懷古

萬壑千山抱海門，孤臺年復贖顏垣。洪濤咽矣

三忠恨在月招殘，二帝魂系生二年端宗及帝高嘗駐驛於此王氣銷沈

餘片石故宮寥落有荒邨，韓公未黍稷將晚

題壁何人為紀元石壁上刻宋王臺文字旁是丁卯嘉

慈元遺蹟鎖烟蘿，潮落西風白雁過白雁來也宋末

玉璽縱教歸朔漠亦指之流宰相重環終始復山

河宋徽宗自國城大憐境內君臣共，回朔風孩涕淚多

宋徽宗自國城以重環案為宗



我亦零丁正飄泊憑闌看劍話銅駝

方作錄呈

子丹先生老詞長 友正

輝庭弟張德炳呈

秋日冻子舟招同姚岫雲曾北紫沿舟至九龍遊定

50

三臺歸飲原火別業

張憶炳

冻子約遊宋臺去遠宵風雨天難暖滄溟浪湧解艤  
去九龍山色遙何處烟霏日午天海清曾君具舟來相  
迎中流寒共少長集神仙眷屬借行船知園雲  
默相語無故雨師風伯前驅酒揮綠雲美酒弱玉  
接人苑在子丹有南天孫辭織瓦靈佩笑我靈池八  
月槎此二皆載姐  
人同游而余獨在支槎接得送餘誇是日獲  
一碑不銀河幾度  
見清淺濁世滄桑何足嗟頃尖繞岬平橋泊遠乘雲  
松橫邨山藪寒衣長徑接烟嵐天水蒼茫一碧涵休

白荒臺間浩蕩雲烟片石窮幽探咫尺層門端字祚

燕喜再探禱風濤怒天造南極歷教終六凌浪洒冬青

松今日西風我筆從七百年來遠恨深江山洵美如吾

土酒麥翻作桃源尋桃源別有高人宅家世南豐

偏好客車如流水入是間喜溪翁也到松溪為意不

逢灞陵尉九龍西并代笑佳車主人志甚愉快輞川歸去夕陽殷秋荷紅

褪滿池塘照影字累累十觴家主醉年歸一樣留宿暮投

轅子丹屬招謫今日之轅會北榮亦同一種志敢辭酒渴黃鸝在迴船逐逐天風

息三度方宋真如夢何時卜築爰為兼再來灌園

學子抱甕

陪姚嶰雪丈訪雲僧茅茨題燈主人

岩窟蒼翠映樓臺石磴盤空異境開  
海上雲山供點綴離邊風月共徘徊  
君似杜陵空枯樹吾為庾信哀  
羊城回首風鶴頻驚不豫故國河山  
感萬綠叢中塵不到恍從華下曼曼上

方來

敬呈

子舟先生老詞長跼政  
張德炳未是料

題江南史海嘯君小影

六朝空粉已成塵  
賸有鷺鷥照影新  
玉樹  
詞殘亡國恨  
散在天下是前身

一曲新聲紫雲  
君喜態  
魚杜司  
燕雀延  
物按霓裳譜  
在雨淋鈴  
不思聞

者作敬呈

子丹先生老詞丈  
名正

輝庭弟  
張法炳  
結制  
草

暢餘室圖

積深此稿

能歷風塵味方知十畝閑  
渙樵堪作侶水竹自相環  
人在義皇上家居廉讓間  
蔣生必有徑笠履日追攀

觀渙圖

領畧江鄉味臨淵羨可知  
竹喧蓬勃處風定日斜時  
乍欠依蒲樂旋聞貫柳宜  
釣山樵水志從甚逸民思

宦富場荒王氣盡海濱一石尚  
豈免唱將遠地知華夏剝有  
寒濤兩暮朝自無能淪宗祚  
又何曾醉飽中朝感今我更因  
懷古夢歌隨魂未肯銷  
誰從行殿溯蒼元薄日未遊樹

色昏餘恨百年沈瘴海傷心  
一樣吊厓內侯王之廟近猶傳祀  
聖女碑湮不可朽笑對斜曷向  
推枚爰人題句與臺存

春筭遊宗正臺錄廬

子丹先生選集之命為西楊其光





# 印書題名

以筆畫爲序

方仲琛	何鴻宗	高福永	陳耀南	馮影仙	蔡玉珠
王觀羣	何耀光	高肇階	陳寶書	雷基磐	歐陽長
田天放	李文格	高德成	張少菴	趙大鈍	謝啓睿
伍宜孫	李猗龠	馬淑翬	麥 滙	鄧勤勞	謝家浩
伍金培	林永雄	陳乃殷	梁其政	黎國昌	盧國洪
呂偉東	周穎南	陳少棠	梁勁子	潘小磐	賴恬昌
阮拔茹	胡景石	陳叶熊	梁耀明	潘友泉	簡鐵浩
吳天任	洪肇平	陳汝鏗	許乃炎	潘新安	關殊鈔
吳懷德	柯文遠	陳伯祺	區桑耀	潘潔夫	羅翠瑩
何竹平	容宜燕	陳泰階	黃子成	潘慧文	
何叔惠	容國器	陳敦善	黃松鶴	潘鎬澄	
何焯賢	翁一鶴	陳幹卿	黃紫翼	鄭春霆	
何蒙夫	高貞白	陳襄陵	勞天庇	劉伯豪	

# 跋

宋王臺原在九龍濱海小山上，山名聖山，上有礪柯巨石，舊刻宋王臺三大字，旁識嘉慶丁卯重修（即嘉慶十二年，公元一八〇七），不審何人手筆。其環以石欄，前有小亭，山麓立石坊，有石磴盤紆可登，石坊榜荔垞集陳獨漉一聯云：一聲望帝啼荒殿，百戰山河見落暉，皆鶴山李瑞琴所置。前有小溪，通以石橋，橋盡處爲二王殿村，二王爲宋益王趙昞、衛王趙昺，村有北帝廟，或云：即二王駐蹕之所也。凡此，余童年猶及見之。逮辛巳戰事，山夷臺毀，蹟遂堙滅，今唯存卷石刻三大字者於宋王臺公園，供游人憑弔而已。宋臺秋唱，刊於丙辰（一九一六），爲當年僑寓海濱諸耆宿登覽懷古唱酬之作，以九龍真逸爲首，繼之有永晦、闇公、潛客、寓公、荔垞、清溪漁隱諸老，或詩或詞，各擅勝場。卷首有南海伍德彝懿莊繪圖，弁以澹菴、黃慈博兩序，一散一駢，皆精鍊沈鬱。編者東官蘇選樓，劄劂者其同邑黃薌池也。余以是書爲海隅早年罕有文獻，久欲複印流布，而苦無藏本，近乃得勞君墨齋相假，成其夙願。以諸老多用別署，復承陳蘊齋高伯雨二丈助，爲考證如次：

九龍真逸

東莞陳伯陶

字子礪，號嵐人，清光緒壬辰探花，授編修。

永晦

番禺吳道鎔

字玉臣，號用晦，又號澹菴，清光緒庚辰進士授編修。

閣公 番禺張學華 字漢三，清光緒庚寅進士，授檢討。

潛客 番禺丁仁長 字伯厚，號松隱，清光緒癸未進士，授編修。

寓公 東莞張其淦 字豫荃，清光緒甲午進士，選庶吉士。

荔垞 增城賴際熙 字煥文，號智公，清光緒癸卯進士，授編修。

清溪漁隱 番禺汪兆鋪 字懷吾，號微尚老人，清光緒己丑舉人。

登公登 新會伍銓萃 字榮建，號叔葆，清光緒壬辰進士，授編修。

永恒 待考

遜谷 待考

其餘籍貫名號已詳者不贅。余既揚其事，鄭君春霆復出所藏饒平陳子丹繡詩樓叢書宋臺集相示，其采錄雖不逮秋唱之富，唯所影存真逸荔垞諸老墨跡，亦足寶貴。卷首有劉揚芬繪圖，猶可見遺迹一二，又附宋臺及曾園攝影四圖。集中別署嶰雪、白雲樵叟，皆爲番禺姚筠，鶴山女子馮文鳳爲師韓女，而雲僧則曾園主人曾兆榮也。曾園在今壺色園黃大仙祠側，與真逸所居九龍砦南瓜廬，余童年亦嘗過焉。因并影印，以成合璧。余客海隅周甲矣，目繫陵谷百變，撫今追昔，豈勝慨然，爰憶述梗概如上，非敢自炫，但以資佐證云爾！疏漏蓋所難免，幸高賢損書以示，容補識於後焉。己未（一九七九）仲夏月順德潘小磐。

